

10  
3  
24/12

290  
● 2  
5



海國圖志卷十二

東南洋 海島之國 原無今補

邵陽魏源輯

日本島附錄 凡前史無關海防者不錄

明史日本古倭奴國唐咸亨中改日本以近東海日出而名也地環海惟東北隅大山有五畿七道三島共百十五州統五百八十七郡其小國皆服屬焉國小者百里大不過五百里戶小者千多不過一二萬國主世以王為姓羣臣亦世官宋以前皆通中國朝貢不絕惟元世祖數遣使招之不至乃命范文虎等帥舟師十萬征之至五龍山遭暴風軍盡沒終元世未相通也明興乘中國用兵屢寇海濱州縣洪武二年遣使頒詔書且詰其入寇之故日本不奉命侵掠如故屢入貢皆無表卻之二十年命江夏侯周德興往福建信國公湯和往浙江整飭海防命福建備海舟百艘廣東倍之會胡惟庸謀逆藉日本為助其王遣僧如瑤率兵卒四百餘人詐

海國圖志 卷十二 東南洋 海島國五

稱入貢且獻巨燭藏火藥刀劍其中既至而惟庸敗事  
露乃決意絕日本專務防海後著祖訓不征之國十五  
日本與焉永樂初始通表貢時對馬臺岐諸島賊掠濱  
海居民論其王捕之王發兵捕其衆繫其魁二十人以  
獻自是頻入貢亦頻獻所獲海寇且表言島上無賴鼠  
竊者實非臣所知願貸罪然海寇猶不絕十七年遼東  
總兵官劉江大破之于望海場自是寇掠為稀貢使亦  
不至正統四年入倭船四十艘連寇台州海寧先是  
洪熙時黃巖龍巖民二人因徭役叛入倭為之鄉導倭  
性黠時載方物戎器出沒海濱得間則張其戎器肆侵  
掠不得則陳其方物稱朝貢東南海濱患之其貢使亦  
屢殺人犯法其來貢者皆利互市交通沿海奸豪故且  
貢且冠嘉靖二十七年巡撫朱秩乃嚴為申禁斬其交  
通者由是浙閩大姓素為倭內主者失利而怨秩又數  
騰疏于朝顯言大姓通倭狀以故閩浙人咸惡之巡撫  
御史周亮闕產也上疏詆秩請改巡撫為巡視以殺其  
權其黨在朝者左右之竟如其請後又奪秩官羅織其  
擅殺罪秩自殺自是不置巡撫者四年海禁復弛亂益

滋甚祖制浙江設市舶提舉司以中官主之駐寧波海  
舶至則平其直制馭之權在上及世宗盡撤天下鎮守  
中官并撤市舶而濱海奸人遂操其利初猶市商人為  
之主已而嚴通番之禁遂移之貴官家而負其直者愈  
甚索之急則以危言嚇將吏俾之勦兵將出又以好言  
給之走謂吾終不負若直倭喪其費不得返已大恨而  
大奸若汪直徐海陳東麻葉輩素窟穴其中者以內地  
不得逞悉逸出海島中為倭謀主誘之入寇而海中巨  
盜遂襲倭服飾旗號并分艘掠內地倭患日劇於是廷  
議復設巡撫三十一一年七月乃以僉都御史王忬任之  
而勢已不可撲滅先是國初沿海要地建衛所設戰船  
董以都司巡視副使等官控制周密及承平久船敵伍  
虛及遇警乃募漁船以資哨守兵非素練船非專業見  
寇舶至輒望風逃匿而上又無統帥御之以故賊帆所  
指無不殘破三十二年三月汪直勾諸倭大舉入寇連  
艦數百蔽海而至浙東西江南北濱海數千里同時告  
警破昌國衛四月犯太倉破上海縣掠江陰攻乍浦八  
月劫金山衛犯崇明及常熟嘉定三十三年正月自太

倉掠蘇州攻松江復趨江北薄通泰四月陷嘉善破崇  
明復薄蘇州入崇德縣六月由吳江掠嘉興還屯柘林  
縱橫來往若入無人之境亦不能有所為未幾改  
撫大同以李大寵代之又命兵部尚書張經總督軍務  
乃大徵兵四方協力進剿是時倭以川沙窪柘林為巢  
抄掠四出明年正月賊奪舟犯乍浦海寧陷崇德轉掠  
塘棲新市橫塘雙林等處攻德清縣五月復合新倭奕  
犯嘉興至王江涇乃為經擊斬一千九百餘級餘奔柘  
林其他倭復肆掠蘇州境延及江陰無錫出入太湖莫  
有禦之者大抵真倭十之三從倭者十之七倭戰則驅  
其所掠之人為軍鋒法嚴人皆致死而官軍素懼怯所  
至潰奔帝乃遣工部侍郎趙文華督察軍情文華夔顛  
倒功罪諸軍益解體經天寵并被逮代以周珣胡宗憲  
踰月珣罷代以楊宜時賊勢蔓延江南北浙東西既無  
不遭其蹂躪新倭來益眾每自焚其舟登岸劫掠自抗  
州西剽淳安突徽州歙縣至績溪旌德過涇縣趨南陵  
遂達蕪湖燒南岸奔太平府犯江寧鎮徑侵南京倭紅  
衣黃蓋整眾犯大安德門及夾岡乃趨秣陵關而去由

深水流劫溧陽宜興間官兵自太湖出遂越武進抵無  
錫駐惠山一晝夜奔一百八十餘里抵潞墅為官軍所  
圍追及於楊林橋殲之是役也賊不過六七百人而經  
行數十里殺戮戰傷者幾四千人歷八十餘日始滅此  
三十四年九月事也應天巡撫曹邦輔以捷聞文華忌  
其功以倭之巢於陶宅也乃大集浙直兵與宗憲親將  
之又約邦輔合勦分道並進營於松江之孰橋倭悉銳  
來衝遂大敗文華氣奪賊益熾十月倭自樂清登岸流  
劫黃巖仙居奉化餘姚上虞被殺擄者無筭至嵗縣乃  
殲之亦不滿二百人顧深入三府歷五十日始平其先  
一枝自山東日照流劫東安衛至淮安贛榆沐陽桃源  
至清河阻雨為徐邳官兵所殲亦不過數十人流害千  
里殺戮千餘其悍如此而文華自孰橋之敗見倭寇勢  
甚其自如柘林移於周浦與泊於川沙舊巢及嘉定高橋  
者自如他侵犯者無虛日文華乃以寇息請還朝明年  
二月罷楊宜代以宗憲以阮鶚巡撫浙江於是宗憲乃  
請遣使諭日本國王禁戢島寇招還通番奸商許立功  
免罪既得旨遂遣寧波諸生蔣洲陳可願往及是可願

還言至其國五島遇江直毛海峯謂日本內亂王與其相俱死諸島不相統攝須徧諭乃可杜其入犯又言薩摩洲者雖已揚帆入寇非其本心乞通貢互市願殺賊自効乃留洲傳諭各島而送可願還宗憲以聞兵部言直等本編民既稱効順即當釋兵乃絕不言及第求開市通貢隱若屬國然其奸叵測宜令督臣振揚國威嚴加備禦移檄直等俾勦除舟山諸賊巢以自明果海疆廓清自有恩賚從之時兩浙皆被倭而慈谿焚殺多慘餘姚次之浙西柘林乍浦烏鎮皂林間又皆為賊巢前後至者二萬餘人命宗憲亟圖方畧七月宗憲言賊首毛海峯自陳可願還一敗倭寇於舟山再敗之瀝表又遣其黨招諭各島相率効順乞加重賞部令宗憲以便宜行是時徐海陳東麻葉方連兵攻圍桐鄉宗憲設計間之海遂擒束葉以降盡殲其餘眾於乍浦未幾復蹶海於梁莊海亦授首餘黨盡滅江南浙西諸寇畧平而江北倭則犯丹陽及掠瓜洲燒漕艘者明春復犯如阜海門攻通州掠揚州高郵入寶應遂侵淮安府集于廟灣逾年乃克其浙東之倭則盤踞於舟山亦先後為官

軍所襲先是蔣洲宣諭諸島至豐後被留轉令僧人住山口等島傳諭禁戢于是山口都督源義長具咨送還被掠人口而咨乃用國王印豐後太守源義鎮遣僧德陽等具方物奉表謝罪請頒勅合修貢送洲還前楊宜所遣鄭舜功出海哨探者行至豐後島主亦遣僧清授附舟來謝罪言前後侵犯皆中國奸商潛引諸島夷眾義鎮等實不知於是宗憲疏陳其事言洲奉使二年止懸豐後山口二島或有貢物而無印信勘合或有印信而非國王名稱皆違朝典然彼既以貢來又送還被掠人口實有畏罪乞恩意宜禮遣其使令傳諭義鎮義長轉諭日本王擒獻倡亂諸渠及中國奸宄方許通貢詔可江直之歸海島也與其黨王淑葉宗滿謝和王清溪等各擁眾誘挾倭寇為雄朝廷至懸伯爵萬金之賞以搆之遂不能致及是內地官軍頗有備倭雖橫亦多被勦戮有全島無一人歸者往往多尤直漸不自安宗憲與直同郡節直母與其妻孥于杭州遣蔣洲齎其家書招之直知家屬固無恙頗心動義鎮等以中國許互市亦喜乃裝巨舟遣其屬善妙等四十餘人隨直等

來貢市於三十六年十月初抵舟山之岑港將吏以為  
入寇也陳兵備直乃遣王淑入見宗憲立遣之直又邀  
一貴官為質即命指揮夏正往直以為信遂與宗滿清  
溪偕來宗憲大喜禮接之甚厚令謁巡按御史王本固  
于杭州本固以屬吏激等聞大恨支解夏正焚舟登山  
據岑港堅守逾年新倭大至屢寇浙東三郡其在岑港  
者徐移之柯梅造新舟出海宗憲不之追十一月賊揚  
帆南去泊泉州之浯嶼掠同安惠安南安諸縣攻福寧  
州破福安寧德明年四月遂圍福州經月不解福清永  
福諸城皆破攻燬蔓延于興化奔突于漳州其患盡移  
于福建而瀕廣間亦紛紛以倭警聞矣至四十年浙東  
江北諸寇以次平宗憲尋坐罪被逮明年十一月陷興  
化府大殺掠以據平海衛不去初倭之犯浙江也破州  
縣衛所城以百數然未有破府城者至是遠近震動亟  
徵俞大猷戚繼光劉顯諸將合擊破之其倭犯他州縣  
者亦為諸將所破福建亦平其後廣東巨寇曾一本黃  
朝太等無不引倭為助隆慶時破碣石甲子諸衛所已  
犯化州石城縣陷錦囊所神電衛吳川陽江茂名海豐

新寧惠來諸縣悉遭焚掠轉入雷廉瓊三郡境亦被其  
患萬歷二年犯浙東寧紹台溫四郡又陷廣東銅鼓衛  
雙魚所三年犯電白四年犯定海八年犯浙江韭山及  
福建澎湖東湧十年犯温州又犯廣東十六年犯浙江  
然是時疆吏懲嘉靖之禍海防頗飭賊來輒失利其犯  
廣東者為蛋賊梁本豪勾引勢尤猖獗總督陳瑞集眾  
軍擊之斬首千六百餘級沈其船百餘艘本豪亦授首  
帝為告謝郊廟宣捷受賀云日本故有王其下稱關白  
者最尊顯時山城州渠信長為此職偶出獵遇一人卧  
樹下驚起衝突執而詰之自言為平秀吉沙摩洲人之  
奴雄健矯捷有口辯信長見而悅之令牧馬名日木下  
人後漸用事為信長畫策奪并二十餘州遂為攝津鎮  
守大將有參謀阿奇支者得罪信長命秀吉統兵討之  
俄信長為其下明智所弒秀吉方攻城阿奇支聞變與  
部將行長等乘勝還兵誅之威名益振尋廢信長三子  
僭稱關白盡有其眾時為萬歷十四年於是益治兵征  
服六十六州又以威脅琉球呂宋暹羅佛郎機諸國皆  
使奉貢乃改國王所居山城為大閣廣築城郭建宮殿  
每國圖志卷十二東南洋 海島國五 五

其樓閣有至九重者，實婦女珍寶，其中其用法嚴，軍行有進無退，違者雖子婿必誅，以故所向無敵，乃改元文祿，並欲侵中國，滅朝鮮，而有之，召問故時，汪直遺黨，知唐人畏倭如虎，氣益驕，益大治甲兵，繕舟艦，與其下謀入中國，北京者，用朝鮮人為導，入浙閩沿海郡縣者，即用唐人為導，慮琉球洩其情，使毋入貢，同安人陳甲者，商於琉球，懼其為中國害也，與琉球長史鄭迴謀，因進貢請封之，使其以其情來告，甲又旋故鄉，陳其事于巡撫趙參魯，參魯以聞，下兵部，部移咨朝鮮王，王但深辨鄉導之誣，亦不自知其謀已也，初秀吉廣徵諸鎮兵，備三歲糧，欲自將以犯中國，會其子死，秀吉無兄弟，前奪豐後島主妻為妾，慮其為後患，而諸鎮怨秀吉之虐已也，咸曰：此舉非侵大唐，乃襲我耳，各懷異志，由是秀吉不敢親行，二十年四月，遣其將清正行長義智僧元蘇宗逸等，將舟師數百艘，由對馬島渡海，陷朝鮮之金山，乘勝長驅，以五月渡臨津，掠開城，分陷豐德諸郡，朝鮮望瓜潰，清正等遂逼王京，朝鮮王李昫棄城奔平壤，又奔義州，遣使絡繹告急，倭遂入王京，執其王妃王子，追奔

至平壤，放兵淫掠，七月，命副總兵祖承訓赴援，與倭戰于平壤城外，大敗，承訓僅以身免，八月，中朝乃以兵部侍郎朱應昌為經略都督，李如松為提督，統兵討之，當是時，寧夏未平，朝鮮事起，兵部尙書石星計無所出，募能說倭者偵之，於是嘉興人沈惟敬應募，星即假游擊將軍銜送之，如松麾下，明年，如松師大捷于平壤，朝鮮所失四道並復，如松乘勝趨碧蹄館，敗而退師，於是封貢之議起，中朝彌縫，惟敬以成款局，事詳朝鮮傳，久之秀吉死，諸倭揚帆盡歸，朝鮮患亦平，然自關白侵東國前後七載，喪帥數十萬，糜餉數百萬，中朝與朝鮮迄無勝算，至關白死，兵禍始休，諸倭亦皆退守島嶼，東南稍有安枕之日矣，秀吉凡再傳而亡，終明之世，通倭之禁甚嚴，而閭巷小民，至指倭為詈罵，甚以噤其小兒女云，武備志：倭夷慣為蝴蝶陣，臨陣以揮扇為號，一人揮扇，眾皆舞刀而起，向空揮霍，我兵倉皇仰首，則從下砍來，又為長蛇陣，前耀百脚旗，以次魚貫而行，最強為鋒，最強為殿，中皆勇怯相聞，每日雞鳴起，蟻地會食，食畢，夷酋據高坐，眾皆聽令，挾冊展視，今日劫某處，某為長，某

海國圖志卷之二十一 東南海  
爲隊隊不過三十人每隊相去一二里吹海螺爲號相  
間卽合救援亦有二三人一隊者舞刀橫行薄暮卽返  
各獻其所劫財物母敢匿夷酋較其多寡而羸縮之每  
擄婦女夜必酒色酣睡劫掠將終縱之以焚烟燄燭天  
人方畏其酷裂而賊則抽去矣愚給我民勿使邀擊專  
用此術賊至民間遇酒饌先令我民嘗之然後飲食恐  
設毒也行衢陌間不入委巷恐設伏也不沿城而行恐  
城上拋磚石也其行必單列而長緩步而整故占數十  
里莫能近馳數十日不爲勞布陣必四分五裂故能圍  
對營必先遣一二人跳躍而蹲伏故能空竭吾之矢石  
火炮衝陣必伺人先動動而後突入故乘勝長驅戰酣  
必四面伏起突遶陣後故令我軍驚潰每用怪術若結  
羊驅婦之類當先以駭觀故吾目眩而彼械乘慣雙刀  
上誑而下反掠故難格鈿鎗不露竿突忽而擲故不測  
弓長矢巨近人則發之故射命中斂跡者其進取也張  
揚者其逃遁也故常橫破舟以示遁而突出金山之圍  
造竹梯以示攻而旋有勝山之去將野逸則逼城欲陸  
走則取棹或爲窳以詐坑或結稻桿以絆奔或種竹簽

以利逸常以玉帛金銀婦女爲餌故能誘引吾軍之進  
陷而樂爲吾軍之邀追俘虜必開塘而結舌莫辨其非  
倭故歸路絕恩施附巢之居民故虛實洞知豐賞降虜  
之工匠故器械易具細作用吾人故盤詰難向導用吾  
人故進退熟宿食必破壁而處乘高而瞭故襲取無機  
間常一被重圍矣餌以偽敵而逸之或披蓑頂笠沮溺  
於田畝或雲巾紵履蕩遊於都市故使我軍士或愚而  
殺賊或疑而殺良江海之戰本非其長亦能聯虛舟張  
弱簾以空發吾之先鋒捐婦女遺金帛以餌退吾之後  
逐凡舟之褊堵左右悉裏布帛被褥而濕之以拒焚擊  
交閩間或附蓬而飛越卽雷震而風靡矣寇擄我民引  
路取水早暮出入按籍呼名每處爲簿一扇登寫姓氏  
分班點閱真倭甚少不過數十人爲前鋒寇還島皆云  
做客回矣凡被我兵擒殺者隱而不宣其降不知猶然  
稱賀  
又曰日本造船與中國異必用大木取方相思合縫不  
使鐵釘惟聯鐵片不使麻筋桐油惟以短水草塞罅漏  
而已費功甚多費材甚大非大力量未易造也凡寇中



國者皆其島貧人向來所傳倭國造船千百隻皆虛誑耳其大者容三百人中者一二百人小者四五十人或七八十人其形卑隘遇巨艦難于仰攻若于泥沉故廣福船皆其所畏而廣船旁陡如垣尤其所畏者也其底平不能破浪其布帆懸于桅之正中不似中國之偏桅帆常活不似中國之定惟使順風若遇無風逆風皆倒桅盪櫓不能轉舵故倭船過洋非月餘不可今若易然者乃福海沿海奸民買舟于外海貼造重底渡之而來其船底尖能破浪不畏橫風鬪風行使便易數日即至也

俞正燮癸巳類臺萬歷中台灣為日本倭所據末年荷蘭紅毛人自西洋來欲據香山不可則據澎湖又不可乃南據美洛居及葛留巴以鴉片烟誘葛留巴葛留巴人俱肺腑不能動役於荷蘭既而荷蘭聚集精銳攻香山戰敗揚帆東走至澎湖使人行重賄於福建巡撫援意大里亞人居香山故事以求澎湖必得巡撫使人善諭之則投日本於臺灣歲納鹿皮三萬求臺灣互市也迨日本倭居臺灣者新奉天主教遂許之築赤嵌城以

居今安平鎮是也荷蘭既得地即數數與日本倭構爭倭既染其教爭不勝盡屬東去憤甚盡誅其人之習天主教者並約束琉球而荷蘭據有臺灣置揆一王亦不復東鄭芝龍者閩人也為日本婿家于臺灣日本之東歸也芝龍以舟楫人眾橫於海大清順治二年芝龍自安平奉表降其子成功逃入海晚年率舟師數百艘攻臺灣荷蘭寡不敵眾遂去而何於葛留巴臺灣人猶有習其教者日教冊成功則盡除之康熙初鄭克塽降廷議棄臺灣施琅力爭曰是資荷蘭也卒置郡縣功施至今陳倫炯海國聞見錄曰朝鮮居天地之良方其南隔一洋日本國屬之對馬島順風一夜可抵自對馬島而南寅甲卯東方一帶七十二島皆日本倭奴之地而與中國通貿易者惟長崎一島長崎產乏粟菽難供食指開貿易入公家通計歲終所獲利就長崎按戶口均分國王居長崎之東北陸程近一月地名彌耶穀譯日京王服中國冠裳國習中華文字讀以倭音子奪之權軍國政事柄於上將軍王不于預僅食俸米受山海貢獻上將軍有時朝見而已易代爭奪不爭王而爭上將軍倭

人記載自開國以來世守為王昔時上將軍曾篡奪之  
山海貢物不產五穀不登陰陽不順退居臣位然後順  
若如故至今無敢妄冀者官皆世官世祿遵漢制以刺  
史于石為名祿厚足以養廉故少犯法即如年僉舉一  
街官街官者鄉保也歲給贍養五十金事簡而間通文  
藝者為高士優以禮免以徭俗尚淨潔街衢時為拭滌  
夫妻不共湯羹飲餘婢僕尚棄之富者履坐絮席貧者  
履坐荐薦各家計攤毯踏棉之多寡為戶口男女衣服  
大領潤袖女加長以曳地畫染花卉文采褲用帛幅裏  
繞足著短襪以曳履男束帶以揀刀髻鬚而雍項額留  
鬚髮至後枕潤寸餘向後一挽而繫結髮長者修之女  
不施脂而傅粉不帶鮮花剪綵簪珥而揮玳瑁綠髮如  
雲日加滌洗薰灼拘沉髻挽前後爪甲無痕惟恐納垢  
其男女眉目肌理亦非諸番所能擬人皆覆姓其單姓  
者徐福配合之童男女也徐福所居之地名曰徐家村  
其塚在熊指山下俗尊佛尚中國僧敬祖先時掃墳廬  
人輕生有犯法者事覺向荒山剖腹自殺無累他人立  
法最嚴人無爭鬥語言寂寂呼童僕鳴掌則然諾無售

買人口傭工期滿即歸所統屬國二北對馬島與朝鮮  
為界朝鮮貢於對馬而對馬貢於日本南薩喇馬與琉  
球為界琉球貢於薩喇馬而薩喇馬貢於日本二島之  
王俱聽指揮氣候與山東江浙齊長崎於普陀東西對  
峙水程四十更厦門至長崎七十二更北風從五島門  
進南風從天堂門進對馬島坐向登州薩喇馬坐向溫  
台地產金銀銅漆器磁器紙箋花卉染印海產龍涎香  
鰾魚海參佳蔬等類薩喇馬山高巉巖溪深水寒故刀  
最利兼又產馬人壯健嘉靖間倭寇者薩喇馬是也日  
本原市舶永嘉因倭之漁者十八人被風入中國好大  
引之為亂髡髮額雜以遠處土語遞相攘掠羣稱倭  
奴及就擒僅十八人隨禁市舶中國聽我往彼至今無  
敢來者晉陀往長崎雖東西正向直取而渡橫洋風浪  
巨險諺云日本好貨五島難過厦門往長崎乘南風見  
臺灣雞籠山北至米糠洋香草洋再見薩喇馬大山天  
堂方合正針糠草二洋者洋中水面若糠批水泡若葦  
茵呼之為米糠洋香草洋薩喇馬而南為琉球居於乙  
方計水程六十八更中山國是也習中國字人弱而國

皆東流所謂尾間也

南懷乍坤輿圖說日本乃海內一大島長三千二百里

寬不過六百里今有六十六州各有國主俗尚強力雖

有總王權常在強臣其民多習武少習文土產銀鐵好

漆其王生子年三十以上以王讓之其國不重寶石惟

重金銀及古密器

皇清通考四裔門日本古倭奴國唐咸亨初更號日本

或云日本乃小國為倭所併故冒其號國在東海中東

北限大山其地東高西下勢若峭壁古亦曰嵯峨國有

五畿七道三島一百十五州統五百八十七郡皆依水

嶼大者不過中國一村而屬國凡數十國有天皇

者自開闢以來相傳弗易不與國事不轄兵馬惟世享

國王供奉有國王者受國事掌兵馬盛衰強弱更替不

常有官名關白者如中國丞相職代相更替專國政兵

馬平原藤橘四姓為日本巨族相竊據為國王然君長

授受次序僅見於日本僧齋然所紀有吾妻鏡一書五

十二卷始安德天皇治承四年訖龜山院天皇文永三

年凡八十七年事識其小而畧其大李言恭撰日本紀

國書土俗頗詳而世系弗晰相傳國王以王為姓居長

崎島之東北地名彌耶穀譯曰京從長崎至彌耶穀陸

行近一月去遼東遠而闕浙通史稱從帶方至倭國循

海水行歷朝鮮國乍南乍東渡三海歷七國凡一萬二

千里然後至其國又言去樂浪郡及帶方郡並一萬二

千里在會稽東與儋耳相近就至其國都而言故紆迴

如此若日本所屬之對馬島與朝鮮僅隔一洋頗風一

宿可抵昔朝鮮國王李昫時關白與師七載不解八道

幾沒者屢矣自內附本朝倭人震懾帖息崇德回

年日本島主令平智連藤智繩等致書朝鮮云去年大

君有疾久不聽政今春始瘳大君左右用事之人需索

貴國土產甚多近來貴國土產數少且唐代交易之路

又絕大君左右所求無以應之望將貴國乙亥以後未

給之物一一補給然後兩國可保無虞矣薩摩州太守

主和琉球肥前州太守主和南蠻每歲所得不貲島主

主和貴國而所得零星以視三州為何如哉朝鮮國王

奏其書言倭情匪測應令邊臣戒飭防守以備不虞是

時日本雖觀釁而動而朝鮮究未被兵者皆震誓  
 天威所致七年二月日本君以生子故建祠祈福索  
 助祭器於朝鮮八年三月日本復遣告朝鮮令致書所  
 生之子如君例兼索朝鮮國王空白印紙保請遣使往  
 日本致賀儀藉觀形勢許之順治以後惟通市不入貢  
 其市亦惟中國商船往無倭船來也其與中國貿易在  
 長崎島百貨所聚商旅通焉外此有七十一島自對馬  
 島而南而東皆日本地也國饒銅我朝鼓鑄所資自  
 滇銅而外兼市洋銅安徽江西江蘇浙江等省每年額  
 四百四十三萬餘斤設官商額船十六隻皆以內地紬  
 緞絲棉糖藥往易商辦銅斤必藉倭照以為憑驗又有  
 額外浮給之小照數止一二百箱用二三年即廢其攝  
 摩依勢若佐博多之民相矜以買積資或百萬和泉一  
 州鼎食擊鐘有中國風薩摩之鷄哥里其民知禮義重  
 犯法獨伊紀之頭陀僧三千八百房頗稱其國分爲  
 郡統於山口豐後出雲三軍門三軍門相掄割國分爲  
 三而豐後獨強總屬於山城君明代入寇者薩摩肥後  
 長門之人居多市舶所集內奸勾引故也人物秀麗氣

侯與江浙齊產五色磁器漆器金文紙馬薩摩州者更  
 此產銅銀工所聚刀最利故倭人好以為佩龍涎香及  
 海參鮫魚之屬皆海中產所統屬國北為對馬島與朝  
 鮮接南為薩摩州與琉球接對馬島與登州直薩摩州  
 與溫台直長崎與普陀東西對峙由此達彼水程四十  
 更廈門至長崎北風由五島入南風由天堂入水程七  
 十二更以海道不可以里計舟人率分一晝夜為十更  
 故以更記里云  
 澳門紀畧曰日本國禁天主教最嚴其海口葛羅巴馬  
 頭石鑿十字架於路口武士露刃夾路立商其國者必  
 以時歲之故西洋夷船不敢往商其國  
 萬國地理全圖集曰日本國本係三嶼而中山最廣大  
 其內亦有王都海邊港汊遍有埠頭其內地多山出金  
 銅然其土不腴土人不好食肉不畜雞豕惟農是務山  
 厥田各礦國民掘地道甚巧日本人與漢人不同其面  
 貌語音亦異雖然藉中國之字學唐人之禮但其意見  
 迥異身體不高眼深鼻扁只剃前首其後髮生長縛札

短編安於頭上其衣長袍並不着褲足躡草屨其食物  
惟米飯蔬菜魚鼈而已惟食酒過量管醉姦淫最甚姐  
妓滿地尊貴賤卑國民承父之職歷來不變其世爵蒙  
王之封各帶刀劍自治列邦但必在京都或親躬為質  
或調子孫為質也自王至于庶子各遵定例即王者亦  
不得任意多用遊玩有大臣管束之故國主在其宮中  
為虜也其內閣大學士亦不自主乃服律例之約束其  
諸侯之動止寢食惟禮是定獨准小民任意行為倘若  
犯法置之重典稍不寬貸惟知義並不知仁故百姓畏  
懼並不敬愛也自古以來有兩王治國古時真王現操  
神權在殿內如僧度生無殊木偶其次王操武權兼攝  
政務士民共計二千萬丁至于士農匠商種種過人三  
嶼大半磽地非勤耕即餓死匠作漆器細網中國所罕  
得者其商遍遊經營本國沿海明朝年間廣開通商之  
路但絲天主教肇興失和與葡荷爭戰而賴荷蘭獲勝  
是以滅教門驅逐外人無所不至自斯以後眾民歸佛  
惟准荷蘭與大清乍浦來之船隻在長甲貿易嚴行管  
束不准與內地民人交通其京師武王所駐者稱為江

戶所有居民繁多不勝數不幸累次被火燒或地震之  
時屋宇顛倒遍為瓦壘神王駐在京都此乃廟寺之地  
僧道僻藪沿海馬頭不  
少最廣大者係大枝

尊卿贅筆曰魯監國航海時其臣阮進欲乞師日本遣  
使齋補陀藏經以往有僧湛微者前自日本來因與同  
載阮抵日本其國初聞有藏經往喜甚及聞湛微名大  
驚曰此僧復來則速死耳因不受勅護經而歸叩其故  
則以湛微曾入天主教捕逃回也先是西洋人以天主  
教誘其國人各授以秘術民間闖關多為所亂一入其  
教死生不易主者遂肆奸術糾眾怙亂其國大發兵撲  
滅之自是痛絕西人以銅板鑲天主形置通衢凡各國  
人往者必使踐踏而過衣囊或攜西洋一物或西洋畫  
冊搜得一船皆誅見張遴白奉使日本紀畧

明史賓龍童國與占城接壤氣候風土大類占城有崑崙山節然大海中與占城東西竺鼎峙相望其山方廣而高其海即曰崑崙洋往諸西洋者必待順風七晝夜始得過故舟人爲之諺曰上怕七州下怕崑崙針迷舵失人船莫存此山無異產人皆穴居巢處食果實魚蝦無室廬井竈

附東南洋諸島形勢

明史賓龍童國與占城接壤氣候風土大類占城有崑崙山節然大海中與占城東西竺鼎峙相望其山方廣而高其海即曰崑崙洋往諸西洋者必待順風七晝夜始得過故舟人爲之諺曰上怕七州下怕崑崙針迷舵失人船莫存此山無異產人皆穴居巢處食果實魚蝦無室廬井竈  
源案賓龍童乃占城海岸之國崑崙崙島則在其南海中非地相連也大小崑崙卽東西竺山宋史天竺注鞏國來朝行二百餘晝夜至三佛齊國又行十八晝夜度盤山水日歷天竺山至賓頭狼山又行二十晝夜至廣州是也明史沿王圻續通考之誤分崑崙竺山爲二謬一又望文生義謂東西竺山爲柔佛國謬二旣以柔佛爲佛國竺山爲天竺因并以其對岸之賓龍童卽舍衛城然則佛國近在占城而大秦當近在長安平崑崙嶼中當有河源乎參三  
海國圖見錄崑崙崙島七州洋之南大小二山屹立彭湃

呼爲大崑崙，小崑崙山，尤甚異。土產佳果，無人噴，神龍盤踞。昔荷蘭失臺灣，邊海界禁未復，因金厦二島平荷，蘭掠普陀，毀銅像，銅鐘萬厝，間宮塑脫紗佛像，刀又不能傷，駕火炮壞之，取裏所寶金銀財寶，見像必剖以取藏寶，悉收而去。至崑崙意欲居之，龍與爲患，藉火炮與龍鬪，相持有日，後荷蘭狀若顛狂，自相戲，以面腕擊背，心日益癡，揚帆而去，將至噶喇吧，船擊碎，存活者可十人。雍正丁未歲夏，葛喇吧海面立一中國人，羣相掉舟，往觀，惟浮一銅鐘，上鐫普陀白華菴，知爲昔荷蘭掠沉者，回浙洋艘，互相爭載，公議求發，有黃彥者得發載回，通港，惟此舟小而舊，故順帆不及月，抵南澳，後轉運至普陀，別船有被劫紅毛者，有失風水者，佛力如此，前惟什之劫數耳。康熙四十五六年間，紅毛又圖崑崙，不敢近山居住，就海旁立埔頭，以崑崙介各洋，四通之所，皆涎不休，而中國洋艘亦多載磚瓦，在易紅毛洋貨，以其本廉而利大，夜圍宿沙洲，多爲鯨魚步岸所吞，伐木圍柵，稍寧。夜聞山中語語促歸，紅毛爲水土不服，斃者甚多，又爲廣南番劫殺殆盡，仍虛其地。凡中國洋艘由崑

崑者，備雞鷲毛，鷲壳到崑崙洋，天時極晴，雲見黑雲一點，隨化爲烟，蜿蜒搖尾，卽如江浙夏月湖中雲龍，下蓬惟恐不及，狂風立至，幸不及時而霽，俗呼鼠尾龍風，自雲者其風尤甚，日遇二三次，或四五次，間或不遇者少，故焚翎毛，鷲壳取穢氣，觸遠過崑崙則無。海國聞見錄：南澳氣島居南澳之東南，小而平，四面挂脚，皆礮古石，底生水草，長丈餘，灣有沙洲，吸四面之流，船不可到，入溜則吸，間不能返，隔南澳水程七更，古爲落溚北，浮沉皆沙，長約長二百里，計水程三更餘，蓋北處有兩山，名曰東獅象，與臺灣沙馬崎對峙，隔洋，萬里長沙頭，南隔斷一洋，名曰長沙門，又從南首復生沙，根至瓊海萬州，日萬里長沙，沙之南又生礮古石，至七州洋，名曰千里石塘，長沙一門，西北與南澳西南與平海之大星，鼎足三峙，長沙門南北約闊五更，廣之番船洋艘往東南洋，呂宋、文萊、蘇祿等國者，皆從長沙門而出，北風以南澳爲準，南風以大星爲準，惟江浙閩省往東南洋者，從臺灣沙馬崎頭門過，而至呂宋諸國，西

海國圖志 卷十二 東南洋 海島國五 古

洋甲板從崑崙七州洋東萬里長沙外過沙馬崎頭門而至閩浙日本以取弓弦直洋中國往南洋者以萬里長沙之外渺茫無所取準皆從沙內越洋而至七州洋此亦山川地脈聯續之氣而於汪洋之中以限海國也沙有海鳥大小不同少見人遇舟飛宿人捉不識懼搏其背吐魚蝦以為羹余在臺丙午年時有閩船在澎湖南大嶼被風折桅飄沙壞有二十人駕一三板舟用被作布帆回臺餘斃五人余詢以何處擊碎彼僅以沙中為言不識地方又云潮水溜入不得開出余語之曰此萬里長沙頭也尚有舊時擊壞一甲板潮雖溜入汝等若以南風棹長潮再不得歸矣大洋之水為沙兩隔節次斷續南北沙頭為潮汐臨頭四面合流外長而內退外退而內長須沿沙節次而上斷續沙頭夾退潮乘南風東向盡流南退雖欲北上求生而南下者正所以生也何也南風夾退潮方能出溜雖溜下然而歸於大海不入內溜方得乘南風而歸舟人聞余語羣起驚呼曰亦曾到此地乎不則何為知之詳確如目覩耶環甲板尚存為飛沙汗沒飢抱海鳥為餐渴飲其血駕長潮

為溜所吸不得開動三四日無奈禱筊棹退潮濶入大港飄十二日到臺余又語之曰潮水分合退為長長為退夾流雙開臨頭滙足南澳氣受四面流水吸入而不出古為落襟試問入而不出歸於何處豈氣下另有一海以收納乎四入者從上而入必從下而出如溪流湧急投以葦簾入而出於他處此理甚明並以誌之明黃衣海語崑崙山在大佛靈南凡七嶼七港是謂七門其旁洲嶼皆翼然環列適諸國者此其標也其山多兕犀野馬巨虜異蛇大木復平川沃壤數百頃柳樹駢生墜實彌谷冬瓜延蔓蒼藤徑寸實長三四尺大榆一圍海上無人之境產物皆碩大予客朱崖令人採取何首烏天南星二藥皆三倍於常品氣味自別固知有藥如瓜非誕語也虛寫若泥淖然船欲樵蘇非百人不能即往日老估嘗備崖壁巖險以示防云又曰分水在占城之外羅海中涉嶼隱隱如門限延綿橫亘不知其幾百里巨浪掠天異於常海由馬鞍山抵舊港東往為諸番之路西注為朱崖儋耳之路天地設險以限華夷者也由外羅歷大佛靈以至崑崙山自朔



至望湖東旋而西既望至晦即西旋而東此又海中潮  
汐之變也惟於操舟者乃能察而慎之  
又曰萬里石塘在烏瀾二洋之東陰風晦景不類人世  
其產多瑇瑁其鳥多鬼車九首者三四首者漫散海際  
悲號聒耳慘顏愴神能師脫小失勢誤落石汊百無一  
免  
又曰萬里長沙在萬里石塘東南即西南夷之流沙河  
也弱水出其南風沙獵獵晴日望之如盛雪船誤衝其  
際即膠不可脫必幸東南風勁乃免陷溺  
又曰鐵板沙所在有之舟觸即敗成化二十一年憲廟  
遣給事中林榮行人黃乾亨封占城官治大艘凡大船  
之行必選熟於洋道者駕小艚船先行探水大船後復  
繫二小船以便難汲且防不虞是役也軍民千人物貨  
太重而火長又疏於徑路次交趾之占城羅誤觸鐵板  
沙船壞二使溺焉軍民死者十九子羅中有麥福者同  
七十餘人奪一脚踏棹至崖側巨浪簸蕩捨舟登山回  
望大船覆處近如席前淇濤濶汗惟敗篋破甑出沒其  
間數百人漚滅無跡眾皆長儼晝行夜伏捕蛇鼠拾草

木之實而啖風雨晦冥石妖木魅怪侮萬狀且已忘甲  
子惟視月望以驗時日會未浹旬死者強半存者二  
十四人後已餓食二日蹣跚冥行俚人空谷石窳寬坦  
如堂有草葉如廣之水蕉擲之根類蹲鴟而大競取以  
食喉間微覺苦澁餘味如葛識者曰此非惡草也第未  
經風日水土氣作苦澁味耳乃曝之日中偃息酣寢比  
寤曉星煌煌矣遲明敲火燃草取所曝者煨而食之味  
轉香滑晨進一枚餓渴俱弭相率肆力搜採頃之根裔  
都盡窟居二日體力完健乃人負數枚復沿水際而行  
俄聞窟中人語至見高夷數輩乘三小船循路搜撈緞  
帛器物有諸夷語者詢之乃交趾占城界之巡徼船也  
其載以歸二國夷王聞是天朝人民館穀如禮於是占  
城遣人以二使來訃廣中始知大船汨沒守臣以聞二  
使均荷恤蔭又踰年二國始具海舟送回中國  
至坤續文獻通考龍牙犀角島地內平而外尖民皆蟻  
附而居之氣候常熱以親戚尊長為重一日不見則持  
酒肴問安地產沉速降香等  
又龍涎嶼浮海內波擊雲騰每至春間羣龍來集交載

遺涎番人乃駕獨木舟登嶼採歸設遇風波則人俱下  
 海旋卽至岸其涎初若脂膠黑色有魚腥氣久則成大  
 塊或大魚腹中割出亦覺腥氣迨焚之其香清遠貨於  
 蘇門官秤一斤金錢一百九十二准中國銅錢四萬九  
 千文  
 又龍牙門在三佛齊之西北山門相對若龍甲狀中通  
 船山塗田瘠氣候常熱四五月間淫雨人以擄掠為豪  
 遇有番船則駕小舟迎敵若得順風則倖脫否則被其  
 截劫泛海者宜慎焉  
 又吉里地門島地在連連羅之東崙山茂林皆檀香樹  
 無別種商販聚十二所有尊長田肥穀茂朝熱暮寒商  
 船染病十死八九蓋其地多瘴氣也  
 謝清高海錄曰東洋諸島會歷其地者曰哇大島哇希  
 島匪支島唵吡島干尼島葛格是島那韋巴島亞哆至  
 島以上八島俱在東海由地問正東行約二月可到每  
 島周圍十餘里各有土番數百其地多豕西洋船經此  
 取鐵釘四枚卽易豕一頭可三十斤人挂淨麗地氣炎  
 熱土番不穿布帛惟取鳥衣或木皮圍下體能終日在

水中有媚妓見海船來俱赤身落水取大木一段承其  
 頤浮游水面海船人呼之至聽其調謔與之鐵釘二  
 枚則喜躍而去不知其何所用也有花旗番寓居亞哆  
 歪島採買貨物土產珍珠海參檀香薯芋無五穀牛馬  
 雞鴨有果形似柚而小熟時人取歸火煨而食之味如  
 饅頭不食鹽由此又東行二三月海中有三山西洋人  
 呼其一為努玉一為衫里一為亞刺德反並無居人惟  
 有鳥獸間過此以東則南針不定番船亦不敢復往云  
 又日開於島在東北海由哇夫島北行約三月可到謝  
 清高昔隨西洋海船至此採買海虎灰鼠狐狸各皮天  
 氣凝寒雪花徧地船初至海口有冰塊流出大者尋丈  
 未敢遽進鳴大砲有土人搖小船來引其船皆列獨木  
 為之船中有通其語者故得與交易其人甚稀而形似  
 中國食乾魚每日見太陽在南方高僅數丈一二時卽  
 落而未甚昏黑惟戌亥二時始晦餘時俱可見人每月  
 唯望前後數日可見月光星光則未見也初到時手足  
 皆凍裂而土人無恙唯來往手中皆執大木葉二坐則  
 以足踏之知必有取也亦效之果愈不知為何木土人

極喜中國皮箱見則以皮交易而去偶上岸步行入一土窟土人外出見藏皮箱十餘開看皆裝人頭怖而返由此復北行二十餘日至一海港復鳴砲不見人來遂不敢進聞其北是為冰海云其東洋諸國清高所未至故皆不錄

萬國地理全圖集曰南亞齊亞地分荷蘭大山與大海洋之羣島繁絮如微塵之數至其列地方西國船戶首先尋得者呂宋荷蘭等國為首前百有餘年無人知此等地迨及英國船隻詢問風土人情形勢察出新地無數則將其罪犯徒流之新荷蘭亦有閩閩之民在本地無食物甘心涉重海來此開荒地辟草萊後又異國之民願受一厘而為氓別有教師離本地以傳耶穌福音之理又有捕鯨魚之船隻巡駛往來與該嶼結交於今通知其形勢而識其地理矣○新荷蘭南極出自十度至三十八度徧東自一百十五度至一百五十度延袤方圓九百萬方里惟知其海邊但其中地無人蹟到也其江河不多兩邊乾涸之主所有山嶺最高者三十丈

天氣暴燥赤地窮髮所有禽獸與北地毫無同形焉其土民素性近於禽獸惟以草菓為食以樹枝為棲但與白面人往來之際則飲酒醉輾轉泥濘內不穿衣服男用其女若畜生痛打惡待怒行殺之英國之新民到此地者種麥粟米牧棉羊生意日廣日盛毳毛最細以織呢絨居民得其奶而賣其毛所運出者每歲價銀二百八十萬兩所運進之物每年四百萬兩其居民在各新處不上十萬其都乃悉尼在廣海門係屬大地之港口通商不少但其流徒之匪風俗奢囂居民亦染其毒而離道遠焉有時浩蕩虛費揮金如土有時行鋪閉歇銀錢缺乏海口居民二萬丁大半務商內地部落雖多人戶有限務農者鮮以放牧為要年年搬進新民則六十年後此地乃大國彼時全南海之地必遵其命而服其權焉其船隻現赴到廣州府貿易矣○南海邊所闢之處尙新建屋數間而謂之邑所移人戶漸增又與外國經商故未久而成大國在西邊之新地惟江邊一處初到之民行事不如願現時失望並不得使費以開阡陌也其北界近於黃道天氣暴熱但其土能產物故英國

調紅兵割駐此時遍地荒蕪但海濱之石中出海參海菜燕窩等物件其土人野心不馴焉。地闊島荷東南形勢南極出四十四度四十二分至四十三度四十三分偏東自一百四十八度二十二分表延方圓八萬一千方里出五穀及薯及各項蔬菜其居民不獨務農乃以捕鯨為重沿海港口多不勝數貿易富庶。新西蘭乃南方兩島隔以海峽南極出自三十四度偏東自一百六十度至一百七十八度表延方圓一十八萬六千方里峯高及雲雪蓋環繞水澤滂沛其土民狠心好殺與異族常結仇報復猖獗放蕩令眾人驚畏此時耶穌之門徒進其地以教化之將福音傳其老幼又令此野人務農作工以除其食人肉之弊。其地豐盛出麻穀菜等物是以英國遷移人口向其土君買田遍開新地佛蘭西亦效法而占據此方。所有捕鯨之船節次赴此港且包兌包送以鳥鎗絨氈易各項食物其土人亦登其艦而為水手但性悍難近也。前所言之各地方全數歸英國調兵派官彼土君所管治者派派芬芬網紀摧殘其中亦有蠻無主皆散林內如獸結羣東南南海之

島如新危尼新耳蘭新撒羅門希伯等羣島繁不勝數其山高亦有出火之峯但其居民黑面短身倚強恃暴無交通之理只知此島之形勢而已。○其大洋海茫茫一望無涯所有各羣島疏散不密大半彌小之地四圍以珊瑚石盤近之甚難其山出椰子芋薯餅菓居民以逸待勞晴朗和暢衣服不多既無務事惟取樂而已其風俗未向化但其中有族循良諫行言聽耶穌學生又至其島教以天道開其茅塞發光其心而引向福音不期上人自將其菩薩一切捨棄真可謂神力無窮蠻心感化也。○其羣島最大之嶼稱曰阿他害地風景清美居民與所屬各嶼欽奉耶穌向風慕義增設學校阿歪希乃繁多羣島之最廣亦歸正教嘉慶十七年奉教主耶穌棄邪歸正畫一無異今時此島之居民大興但人戶漸減其王養弁兵操演練習亦有師船通海巡學校遍地開諭教蒙。○其羣島之居民形體正端但心內埋毒狠加羅林羣島最多中有族頗會技藝偶有船隻與之通商。○其賊羣島被是班牙所占據者強其居民奉教效死不從此外尚有多嶼大半所出物件椰子面

已居民最少與外國絕交。○佛蘭西國於道光二十二年占據馬耳其殺之羣島以為新地但未知其情形何如傳之數年後可也。○又曰南海各島出北極自十二度至南極十度編東自八十五度至一百三十五度各出南地物產天氣雖熱然海風常吹霖雨時沛草本暢茂四時之景各極其佳。○又曰南海各小島在小呂宋之南者有撒馬島馬麟得島把刺灣島泥鄂巴島尼末巴地島西武島馬連島那閉島多羅來地島天氣物產與呂宋不異大半歸是班牙所轄居民共計二百二十四萬丁。○又曰小呂宋西蘇祿羣島雖小而物產甚多出珍珠玳瑁蘇木荳蔻鸚鵡降香藤福建廈門船屢赴其島互市居民為海賊肆行劫掠與呂宋兵船交戰獲勝人戶繁多五穀不足必買運別處。○又曰摩鹿加羣島在小呂宋之南全歸荷蘭轄居民大半奉耶蘇教地出丁香玉菓荳蔻蘇木等貨各島總帥駐在安門於北極三度四十分偏東一百二十八度海口建炮臺萬他不離遠地內有火山常地震玉菓豐結足以補列國之用西蘭長嶼出沙穀米但民不耕田故由他嶼運買其

居民尚野未向化德拿地小嶼如樂土周年天氣和暖但內地火山一動隣地遍焚燬提讀鳥之有土君亦管義羅羅島也出丁香玉菓但荷蘭人不准運賣巴治安島又歸回土君所治明隆慶年間葡萄牙人之船始到德島不期是班牙人亦至與葡接戰惟荷蘭泰昌年間乘機力攻兩國驅逐其防兵嚴守其權歷二百年不廢但所發賣丁香荳蔻等物不足以補國費又絕他國船隻往來買賣是以生意不盛。○又曰摩鹿加之西至牙瓦島一帶嶼曰亞羅地門律兩島土蠻人居住不與外國交通武羅乃荷蘭埔頭少民人少物產地門出臘檀香東方葡萄牙居之西則荷蘭之埔頭日吉那西南日檀香嶼北係佛理嶼西日遜巴瓦倫泊巴理等島皆出米居民尚奉佛教未向化。○又曰麻海峽之東口有新嘉坡埠北極出地一度十五分偏東一百零四度嶼地不大獨出胡椒檳榔膏嘉慶二十三年英國官憲買其嶼以後廣開商路不論何國船隻赴市槩免稅餉遂為南海各島貿易之中市中國船隻每年幾十巨艦常駕閩粵客數千人到此買賣耕作所居漢人共一萬有

餘丁此外列西國夾板每年幾百隻運進布帛器皿以  
南洋物產易之居民早夜奔馳日無寧晷燕吉燕來由  
等入住其海濱皆屬英人管轄每年運進載出之貨價  
共計銀八千九百萬員○又日橫榔嶼在西北有高峯  
其土種植玉菓胡椒所出不少山水甚美居民五萬四  
千丁其中有一萬係漢人對面沿海地方又歸英國轄  
故立總文官兼攝檳馬新等處○又日旁葛刺海中  
亞他曼羣島居民黑面野猛苦莫爾港但水土不服而  
退南有尼可入羣島土人懶惰不耕不工惟安睡嬉  
而已○又日緬甸沿海亦有羣島最大者係允西蘭此  
海內雖看海參魚龜不勝其數然人戶有限不多○又  
日印度西邊有馬其地並刺其地之羣島其君歸回  
教門物產不多○又日南洋島之沿海蕪來由族居之  
身體弱矮面紫髮黎甚長纏頭赤腳腰圍紋布穿視各  
帶短刀怒即刺人時吃檳榔遊玩並不務工駕船捕魚  
為海賊奉回回教往其教主葬處燒香歸則庶民敬仰  
其人內地居民不同面有紫黑二類黑面者寓山穴叢  
林為其原土人智量有限是以中國人乘機取利廣州

府與嘉應州八為三潮州府人為農福建人為商最獲  
利者乃廈門漳州之商大半留住不歸每年一次寄信  
及銀以補親戚之用一婦故鄉盡皆耗費仍返棹尋利  
矣凡出外國之人多係內地棍徒離家庭走絕域但不  
帶婦女與土女希親生子而自新者鮮遍地吃鴉片賭  
錢澆風日熾至西國之人荷蘭探權尤廣此國之商賈  
少皆屬文武與土人往來溫良不驕是班牙國人好逸  
避勞土人俱崇天主教有大權者乃僧也其商賈甚少  
並不出其本屬之島英人惟據三島以通商為重故開  
港免餉以招四方之商賈然與土人仍無往來之理

附東南洋道路

東西洋考南洋鍼路自七州山七州洋始瓊州志曰在文昌東一百

里海中有山連起七峯內有泉甘洌可食船過用牲粥祭海厲不則為崇舟過此極險稍貪東便是萬里石塘

即瓊志所謂萬州東之石塘海也舟犯石塘希脫者七州洋打水一百三十六托若往交阯東京用單申針五

更取黎母山在瓊州定安縣南四百里廣東通志曰

母山黎母山五指山一名黎母生黎峒中五峯如人指屹立每辰已後雲霧收斂則一峯聳翠插天申酉間

夜蔽不見用庚卯針十五更取海寶山

海寶山用單亥針及乾亥由塗山海口五交阯東京一

志曰東至海西至老樸又從七州洋用坤未針三

南至占城北至思明府

銅鼓山廣東通志曰在文昌東北銅鼓海獨珠山山在萬州

極深險用坤未針四更取獨珠山

海國圖志 卷十二 東南洋 海島國五

東南海中，峯勢高峻，周圍五六十里，南國諸番修貢水道，視此為準，其洋為獨珠洋。船人云：有靈伯廟，往來

祭獻，打水六十五托。用交趾洋，打水七十托。用坤未針，

坤未針，十更取交趾洋。又從交趾洋，取占筆羅山，是廣東港

口。廣南，漢為日南郡，隋唐為又從交趾洋，用未申針，三

更取望瀛海。口。人清，清華港，漢為九真郡，隋唐為愛州交

又從交趾洋，取小長沙海，順化港，國朝為順化府。

又從交趾洋，用坤未針十一，外羅山，遠望城門，近看東

塘，西有古老石船，傍西行，打水四十五托，用丙午針，三更取馬陵橋，其內為提夷，是交趾屬縣。

提夷馬陵橋，打水二十五托，內外俱可過船，南邊有橋

口。新州港，國朝為新安府，新州交杯嶼，兩嶼相對，故名，內打水

取羊嶼，有小石塔，好拋，內打水八九托，外二十托

嶼，南有羊角礁，不可近，用丙午針三，更取煙筒

烟筒山，此交趾占城分界處也。靈山，嶺而方，山頂一石

塊，似佛頭，故名靈山，往來販船，於此樵汲，崇佛誦經，禱

禱，開打水六十托，用單午針，取伽楠貌。

伽南貌山，港內有三嶼，潮漲則不見山，遠過打水十五

城港，占城國，一統志曰：東距海，西抵雲南，南接真臘，北

州可十占城國羅灣頭，打水五十托，用坤申

占城王，常遊交人，徙居茲山，近打水二十

托，外十八托，用單申針，四更取鶴頂山，

五托，洋中國，地瑯嶼，宜防，若往東埔寨，柯任山，自赤坎

由此分路，用單庚針，四更取柯任山，浴山而

行，因風應變，外任尋港，用庚申針，開有石爛礁，在西南

若行船，放落嶼下，開頭用單庚及庚申針，看風讓高收



毛蟹州 打水六七托 船頭對洲 收拾有三托水在

邊坤身頭崎便是大畧晴明潮水曉退在毛蟹州須見兩

外任開船東風小午到淺至午進港為妙東埔寨即古

地也又名古臘將至港俱是泥地故名占臘泥國人自

呼甘字習後說為甘破蔗船人又訛為東埔寨

又從赤坎山 單未針十五 崑崙山 屹然海中山高而方

七州下怕崑崙崙針迷舵失人船莫存 小崑崙 兩邊有礁

用單庚及庚酉針三更取小崑崙 西及單酉針 真嶼 看成三山內過打水十四托泥地外

八更取真嶼 真嶼 過打水十八托沙地遠過只七八托

便是假嶼水淺不可行直從真嶼東北邊出

大橫山 到此是邊羅界外過南邊打水二十五托為正

小橫山 其山多樹打水十四托用辛庚針十更

單戊針十更乾戊針十更取筆架山

筆架山 遠望形如筆架故云山下打水十四托

黎頭山 西邊高大東南稍低其內有嶼西北一

圭頭淺 打水四十托單用竹嶼 淺口打水四五托用壬

尾即暹羅 乃古赤土及婆羅刺地至本朝合暹與羅

又從崑崙山 用坤申及庚酉針 吉蘭丹 即大嶼港口用

泥國 貢道由 又從崑崙山 取真嶼用辛酉針

六埔 暹羅屬國也其 又從崑崙山 用坤未針三

斗嶼 用丁午針五 彭亨國 一名彭坑單午針

地盤山 在彭亨港外打水二十八托 東西 此柔佛地

未針十更取羅漢嶼 柔佛國 一名烏羅漢嶼 水淺宜防

即柔佛港口 龍牙門 山門相對如龍牙 狀中通船田瘠穀

薄擄掠為豪番船於此防之夜不敢行以其多盜且南

有涼傘礁也中打水三十托北二十托南八九托又過

淡馬錫門用庚酉及辛 吉里問山 打水二十七托兩邊

取崑崙 崑崙 打水二十五托用單 箭嶼 打水三十四托

取五 五嶼 先時首門嶼於此此中有真五 麻六田 刺加

國也船人音訛耳在 又從東西竺 用丙午針十 獨石門 出門

古為歌羅富沙地 又從東西竺 更取長腰嶼 獨石門 出門

長腰嶼 北邊正路打水二十六托若往丁 獨石門 出門

酉針過 鐵釘嶼 其外水流急甚用單庚及 鱷魚嶼 西是

鐵釘嶼 庚申針四更至鱷魚嶼 鱷魚嶼 西是 坤身

晝南流而夜北流再進由 丁機宜 瓜哇 又從長腰嶼 丁

第二港入是丁機宜國 龍雅山 在馬戶邊過用單午 饅頭嶼 收入

午針十更取 龍雅山 針三更取饅頭嶼 饅頭嶼 收入

龍雅大山 三佛齊人稱其國王為詹卑其國既為瓜 更可到詹卑

七嶼 從假頭嶼駕開用丁午針三更到 彭家山 用坤申

取西南第二山有沉 舊港 卽三佛齊故都也其先為干 礁用坤申針收舊港

名舊港以別 又從彭家山 用辰巽針十 進峽門 用丙巳

於彼之新村 三麥嶼 過嶼用單丁及丁午針五更單未針

三麥嶼 五更取都麻橫港口 都麻橫港口 中望一山名真不真假不假正路打水十

都麻橫港口 七托用單午針十更取覽那港口 覽那港口 名奴沙牙近嶼打水八九托用丁午針三更

覽那港口 名奴沙牙近嶼打水八九托用丁午針三更 外有小嶼

海島國五

取奴沙刺打水十四托又用錫蘭山港口即梁時所謂

丁午針三更遠望錫蘭山田名此瓜哇地而稱錫蘭

詭為石且夷言高山為錫蘭其實去彼尚遠地廣人稠亞於

港口者亦就望見言之其跡長三尺許常有水不乾

瓜哇海邊有一盤石上印足跡長三尺許常有水不乾

稱先世釋迦從翠藍嶼來登此足跡至今尚存

永樂開其王來貢旋復負固不奉鄭中貴和虜其王歸

上命釋之洋中凡五嶼正門打水四五托用丙巳針

六更至下港即古關婆在南海中者一巨鎮耳船入

下港始稱瓜哇今下港正彼國一巨鎮耳船入

亦名順塔再進又從滿刺加國五嶼分路入蘇門答刺

入為咖留吧又從滿刺加國五嶼分路入蘇門答刺

綿花嶼第三灣正好過船打水七又托外二十托

雞骨嶼對開打水六十六托有淺船宜雙嶼對開打水

門中十托即正路所經也取單嶼內打水十六托外四

乾皮針并辛戌四更取單嶼單嶼十托用辛戌針十更

認亞路坤身打水三托洋中二十托用壬亥及乾亥

路亞路針若雜山用乾戌針十五更取巴祿頭

巴祿頭其旁為九州山林木叢生永樂間鄭和遣人

細紋山人張目吐舌言天朝威力若急水灣西邊有灣

神單亥及乾戌針五更取急水灣急水灣沈礁打浪

對開水二十五托用啞齊國即蘇文答刺國也一名蘇

辛酉針五更取啞齊國文達那廣東通志日自滿

刺加九晝又從玳瑁洲用丁未針三東西董從西董過

夜可至更取失力大山近山用坤未針

馬鞍嶼用巽巳五更塔林嶼山尖有老古石正路在西

馬吉寧馬哪山山上有池池上石壁有古篆用單巳

勿里洞山吉里間大山吉里間大山西面坤身拖尾

離山宜防用長巽針 保老岸山 山與吉里間相對俗訛

四更取保老岸山 呼巴哪大山番船未到

先見此山頂聳五峯雲覆其 椒山 即猪蠻地沿山取磨

上用巽已針四更取椒山 嶼七更收入饒洞

思吉港饒洞 即蘇吉丹國與瓜哇國 相近而吉力石為之主

又從保老山 用乙辰針五更 吉力石港 即瓜哇之杜板

奔大海者也打水八九托 雙銀塔 用丁未針五

用乙辰針一更取雙銀塔 更取磨里山

磨里山 冠掠用單乙針三更取郎木山 俗尚

郎木山 山下有三吧哇嶼嶼前有老古 重迦羅 船人訛

地與瓜哇界相接高山奇秀內一石洞前 火山 內是里

後里馬可容萬人用單卯針五更取火山 馬山有

真里馬二更取大急水 大急水 一名雙牌水深流急

至善 巒嶼 用乙卯針十更取 大小雲螺 用乙卯針六更

蘇律 蘇律山 有紅毛番居此不宜進泊 用 印嶼 用單卯

山 至美羅港池 諸國最遠處也 印嶼 針二更

即池 諸國最遠處也 又從吉寧馬礁 往文郎馬郎分路用丙巳及

吧哩馬閣 即自水打水入托是正路近嶼有淺可防用

三密 三密港 用乙卯針五更甲卯針五更單卯針五更即取

港 淺用單已針三更 單戎世力山 有淺宜防打水五托是

取單戎世力山 美啞柔港口 是處多盜好夜殺人 及巽巳

四更又辰巽 文郎馬神國 古稱 文狼

東洋針路

太武山 用辰巽針七 澎湖嶼 是漳泉間一要害地也 多

針五更取 虎頭山 用丙巳針七更 沙馬頭嶼 用辰巽針

筆架山 遠望紅豆嶼并浮 大港 用辛酉針三

哪哦山 再過為白土山 用辛酉針 密雁港 南是淡水港 水下

力日 再過山頭為岸塘 密雁港 一灣有小港是米

又從密雁港 樸頭門 用丙午單午 六藐山 下有四嶼 用

取郎 梅嶼 郎梅嶼 單午針四更 麻里老嶼 用丁午針五更 取

玳瑁嶼 東是傍柱旗欄 用壬子針四 表山 山甚高為濤

用丙午針及單午針 里銀中邦 用丙巳針五 頭巾礁 用

午針五更 呂宋國 國初貢路由福建入 用丙巳針及乙

收呂宋國 辰針十更取 塘邊開是嶺里芬

嶺里務國 即合嶺里國也 永樂

又從呂宋 取猪未山入 以寧港 山尾十更 西邊

又從呂宋 磨老夾港 至龍 以寧港 取里擺翰至高

又從以寧港 用丙巳針 取漢澤 漢澤山 用單巽針

海山 用單巳針五更 取叻 漢澤山 取海山

又從漢澤山 用丙午針二十更 交溢 稍下為逐奇馬山

魁根礁老港 用乙辰針七 紹山 又用乙辰針十

是米洛居地今 干子智港 對面是直羅里稍上是紹

佛耶機駐此 紹武淡水港 此處大山凡四進入即

又從交溢 對西開船 犀角嶼 外有三四自礁南勢開

蘇祿國 國初朝貢有東王西王嗣王其後惟東王來貢

又從呂蓬 用坤未針五 芒煙山 用丁亥針十 磨葉洋 用

未針並丁未 小煙山 其上有仙人掌用丁七峯山 用單

取小煙山 巴老圓 用丁未針五 羅葡山 用丁未針三

聖山 自聖山東去尖出二大尖南傍皆老古石中只一

溝舟行甚險用單未及坤未針五更取崑崙山

崑崙山 此又別一崑崙是船人一名長腰嶼 用單午針

五更取 鯉魚塘 取毛花蠟即 文 國 即婆羅國此東洋

起處也故以 文 國 最盡頭西洋所自

婆羅終焉

海國圖志 卷十一 東南洋 三十一  
（此處為多欄小字，內容模糊，疑似地圖說明或地理考證）

西南洋五印度國志

叙曰西南洋為印度海惟西北二印度尚各自為國其  
中南東三印度並據于西洋東印度為英夷駐防重鎮  
凡用兵各國皆調諸孟加臘每卒月餉銀約二十員又  
與我屬國緬甸廓爾喀鄰近世仇故英夷之偏中國與  
中國之籌制英夷其樞紐皆在東印度南印度斗出南  
海有佛蘭西彌利堅葡萄亞荷蘭呂宋各國市埠環列  
而英夷之市埠曰曼達薩喇曰孟邁皆產鴉片烟與孟  
加臘等各國不得分其利恒外睦內猜故我之聯絡佛

蘭西彌利堅及購買船礮其樞紐皆在澳門與南印度中印度爲英夷與俄羅斯相拒之所中惟隔一興都哥士大山俄羅斯踰山則可攻取溫都斯坦英夷設重兵扼守之故我之聯絡俄羅斯其樞紐在中印度不悉東印度之形勢則不知用廓夷雖有犄角擣批之策而不敢信也不知南印度之形勢則不知用佛蘭西彌利堅欲行購造兵船之策而未由決也不知中印度北印度之情形則不知聯俄羅斯方詢俄羅斯國都與英夷國都遠近不知其相近者在印度邊境而不在國都也昔

唐太宗貞觀中王元策用吐番之兵以擣印度卽廓爾喀攻孟加臘之路元太祖兵至北中二印度而返及憲宗命諸王旭烈先攻取西印度而後回取五印度卽今俄羅斯侵偪溫都斯坦之路明三寶太監鄭和以舟師破錫蘭山俘其國王歸獻諸朝卽今粵夷兵船赴南印度之路具載往牒近徵商船事異鑿空形同肘腋指示發蹤誰端銜策志西南洋實所以志西洋也故以東南中三印度冠其前而以西印度之天方教天主教附其後五印度沿其又附其後



分正而真故文更顯其外  
中三四更錄其前而以西日更之天代為天玉海國其  
與之益具輝奇難於繪而其事與空深同博列諸示  
海國圖山皆其國正體地海國今更與天深並南  
外最其奇者將視山之發諸之寶太深深味以  
宋命諸玉既與之更與西日更與同更與西日更與  
如文盡收風之烈天太厥矣至非中三四更而及更  
最太深其更與玉元更與西日更與西日更與西日更與

海國圖志卷十三

西南南洋 歐羅巴人原撰

三印度國

東南中三印度今皆屬英吉  
利惟西北二印度各自為國

印度國即興都斯頓也

一作痕都斯坦一作温都亦有作軒都斯丹者地隸阿

細亞洲西南地廣壤沃產豐甲於諸國其國如何創治  
諸記未詳查探險實記僅云為數小國而西流古士記  
又云大國以巴利摩刺臘為國都仍未載及主國者為

誰竟不知印度為古佛國蓋由西洋人奉天主教不覽佛書而近日印度又為回教久據力民佛教踪跡也然志中東南中三印度諸部落尚奉佛教又似未盡改回教者未詳其故大

西洋有公記始云壯麻墨合印度可臘山達達里其為一國後被俄利所滅俄利傳至巴旦王耶蘇紀歲千三百九十八年

文二又為底摩阿所滅底摩阿傳百餘年後悉歸蒙古

此蒙古謂賽嗣各部落隔大山之險不服蒙古統轄各

自立主各部中又以馬拉他為最強此南印度主國非東印度之孟加臘

也至西北温大壓山麻臘耦特爾希阿俄臘等部均歸

馬拉他所轄南隅麻疏一部為哈達阿里所據加補爾

部為阿密沙所據阿密沙與馬拉他交戰時各部互相

攻擊英吉利乘隙征服東隅遣賀威廉駐防孟阿臘遣

賀族乞駐防遂于曼達拉薩孟買兩處開埠貿易貨物

充勃各國商舟雲集是時惟哈達阿里尚強不服英吉

利于是印度之蘇拉扎道臘統兵與英人爭鬪收賀威

廉部眾置之黑獄英吉利遂遣律記利付奪復其地別

置頭目後至千七百六十五年乾隆三十年復又背叛全滅

英吉利之人英吉利王復遣薩依姑底奪復疆域自此

印度地屬于英國者十三部曰孟阿臘曰曼達臘薩曰

孟買日彌那日歐尼日瀝部日麻疏日薩達臘日稔哇  
 日特那鸞戈日果真日那治勃日西倫島其各自為主  
 者日新低日阿魯斯日尼保爾日新尼日卽茅爾旦數  
 部而已。此數部乃中印度南印度之邊境未盡屬英吉  
 利者若西北二印度又不在此數部之內觀英  
 夷所繪印度圖印度河東岸尚係青色不盡  
 在所保黃色各國之內可證卽此數部也孟阿臘以  
 加爾格達爲首部計幘員二十二萬零三百十二萬方  
 里戶口六千九百七十一萬名外有八萬五千七百方  
 里未計戶口英吉利派加稔那一人加稔那  
 官名也駐劄孟阿  
 臘理糧餉鹽法貿易鴉片兵丁醫館等事隨員四人分

理各事曼達那薩幅員十四萬一千九百二十三方里  
 戶口千三百五十萬八千五百三十五名英吉利派加  
 稔那一人駐劄曼達那薩理糧餉鹽法貿易鴉片兵丁  
 醫館等事孟買幅員五萬九千四百三十八方里戶口  
 六百二十五萬一千五百四十六名外有五千五百五  
 十方里未計戶口英吉利派加稔那一人駐劄孟買理  
 糧餉鹽法貿易鴉片兵丁醫館等事定例曼達那薩孟  
 買兩處加温那仍歸孟阿臘統轄此外別設靡宿各一  
 人執連共七十六人統設叙坡兵十八萬一千五百一

海國圖志 卷十三 西南洋  
十七名英吉利兵八百名蘭頭王家兵二萬名日王家  
兵者雙分口糧也彌那幅員九萬六千方里戶口一千  
萬名歐尼幅員二萬方里戶口三百萬名薩達臘幅員  
一萬四方里戶口百五十名特臘彎戈果真幅員八  
千方里戶口一百萬名那治勃幅員二十八萬三千方  
里戶口千六百五十萬名西倫島幅員二萬四千六百  
六千方里戶口百萬名俱英吉利統轄而各部頭目則  
由部民公舉尙有新低阿幅員四萬方里戶口四百萬  
名魯斯幅員五萬方里戶口三百萬名所屬加斯彌野

幅員一萬方里戶口百萬名尼保爾幅員五萬三千方  
里戶口二百萬名新尼即茅爾且幅員二萬二千方里  
戶口百萬名此皆自主之部落不屬英國所轄河道三  
安治士河即恒河發源謙麻那歷山希臘特河發源阿山  
俱至孟阿臘出海新地河又名興都士河發源西藏經  
歷數千里至達岱入海產棉花胡椒檳榔檀香蘇木糖  
洋靛牙硝絹紗羊毛鑽石金沙貓兒眼石碧玉水晶寶  
石銀鐵硫黃砒霜洋參鉛椰子象虎地毡襪縠布姜黃  
荳蔻肉桂鴉片鴉片爲最鉅之貿易英吉利獨擅其利

初時尙稀近則徧地皆種以麻尼哇所產為最每年出  
港其六千五百滿六十斤為一滿每滿價約百二十五員以上原本

○案此所述鴉片專指麻尼哇一處非全數麻尼哇一作麻爾哇乃自主部落非英夷所轄

重輯原無今補

貿易通志曰印度之地距大西洋數萬里自古不相通  
其通商自荷蘭始萬曆二十二年荷蘭商船駛至南海  
五印度市胡椒返棹大獲利於是設公班衙僅洋銀三  
萬圓積久增至三百萬員主其事者六十五商及明泰  
昌間僅二十年公班衙所贏銀已千有四百萬員每歲

大船四十旋據南海葛雷巴洲建總埠順治四年遂與  
佛蘭西國分擅其利於是荷蘭公班衙大興東通暹羅  
日本又據臺灣雄長南洋諸島間每年文武使費銀百  
五十萬員其後雖失臺灣仍踞暹羅東南方地與各國  
互市康熙三十八年再稟求其國王賜敕書定歲貢額  
銀九十萬員每歲別獻贖儀銀十五萬員公班衙即  
公司之異名也方荷蘭之立公班衙於南洋英吉利商  
慕之於萬曆二十七年糾國人合資本且稟求國王設  
立公司嚴禁本國散商之赴南洋者其始國人尙憚險

遠僅合貲十五萬員，次年增至二十六萬員，獲利皆三倍。且途劫荷蘭國、葡萄牙國之商船，以歸於是。英吉利公司漸興，與荷蘭公、班牙據地爭權。英吉利乘機於印度海濱開新地，立商埠。其印度國民尙外視而輕忽之。時商船僅三十五隻，貲本僅三十五萬員。國人屢稟求散公司之局。於是國王令他商於印度西方，孟買、嶼立新公司兩公司，相傾軋。康熙四十年始合兩公司爲一，并借國王公帑銀一千萬員，歲息八十萬員。其後復貸五百萬員，免其利息。於是英吉利南洋公司大盛。乾隆

四年，東印度兵爲北印度侵逼，且臣下自相割據。結荷蘭、佛蘭西公、班衙之兵爲助。於是英吉利公司兵船乘機取印度海南地。印度國王求援于荷蘭、佛蘭西，并力拒敗英吉利之兵。乾隆二十四年後，英吉利復興兵，與戰荷蘭及佛蘭西，連年軍旅供億浩繁，雖歲稅四百餘萬，入不贍出，非惟盡通本國之貢獻，反借其國帑數百萬。生計日耗。至乾隆五十年，遂敗於英吉利。嘉慶十六年，英吉利遂據公、班衙之地。佛蘭西公、班衙散局，惟與各國分市南印度。其東中兩印度，大半歸英吉利。道光

十三年國中會計公司貿易無利且虧空公項以鉅萬計始散公司局聽散商自運人人皆悅。每月統紀傳日明宏治年間葡萄牙人精神湧發營大圖艱始尋水路到五印度國歐羅巴沿海各邦聞知之皆乘船踵至其地葡萄牙官禁之令師艦縱橫洋面截劫商船各國商船不敢孤行故各人出錢或干員或萬員或三萬員積藏公帑備船砲募弁兵遇葡艦海賊則決戰保貨返國則以所載之貨發賣各指戶公分其利由此立商會曰公班衙公班衙者為羣商捐措資本錢

共作貿易也荷蘭公班衙為首始出公銀二百五十萬員赴牙瓦洲摩鹿羣島買丁香胡椒等貨歸國獲益一倍年年續駛南海利路大開始則向土酋買地開新埠後則開費戰鬪而奪其旁地兵盛勢強兩攻澳門敗退因據臺灣之港口與福建沿海居民貿易開墾愈廣錢貨益增船滿海築城建邑商變為君後有為福建鄭成功所攻時荷蘭公班衙通事何斌知港路深淺說成功聯檣並進荷蘭嚴守安平大港成功從鹿耳門進水漲三丈餘入據臺灣與荷蘭相持甚久圍其堡臺屢戰

不息鎮守官乞盟返棹回國康熙二年公班衙雖失此地別奪他島建城立埠復興貿易自東自西自南自北每年奉本國王銀十五萬員別納一百萬員以答國恩嘉慶年間與英吉利國構兵攻伐忽然公班衙不幸其船或沉淪或被奪英總兵乘機取其新地荷蘭公司散局將所據之地奉歸本國英吉利公班衙始與荷蘭相合但每開釁隙屢次交鋒於是公班衙密合防禦其本錢八百萬員爭鬪良久後再立公班衙於五印度國建兩城東邊曰馬大刺西邊曰夢買其時彼國土官貪賄

慕勢私收陋規其土君復側目公司之利誓逐英軍而奪其業乾隆十七年奮力攻戰交鋒未及十餘合土君皆敗散自後英吉利特命總理官兼攝五印度國大半之權佛蘭西人恨之費力費帑圖勝英軍英兵冒火突鋒鏖戰佛蘭西兵終敗于是土君割地求和不敢強逼自三印度國屬英公班衙之後所獲地廣不盡貿易惟務治國而已向來所赴廣東商船致載茶葉自道光十四年不利于市公司雖散掌握尚存每年所收國帑之銀共計一千五百萬員但使費亦繁所餘者無幾

以上原本



無皆  
今補

海島逸志曰明絞營

即孟加攏  
譯音之殊

在葛雷巴之西土地亦

甚寬大和蘭色仔年紅毛雜處其地四夷雲集交商之

所百物俱備貨賄流通土產大呢羽緞啤支

案道光二十二年四月靖逆將軍奕山奏風聞暎逆  
所屬之孟阿刺地方向有英夷兵且帶領黑白夷兵  
各數百名駐守因黑夷出兵在外多有傷亡僅剩白  
夷兵不敷駐守該逆兵且於去冬勒派土夷商民充  
當兵役因而構怨羣起刺殺夷目並將自夷兵數百  
名焚斃殆盡嗣又據香港探報英逆前估孟阿刺半  
頭藉產鴉片厚利得充兵餉因被孟阿刺麼佬鬼子  
將八顛之弟殺死奪回鴉片準以至兵餉不繼等語  
又訪聞得英國之東另有思田國相距約三月水程  
英夷欲奪其地被思田國設計誘騙於本年正月內

殺斃英兵萬餘名現在干戈仍未止息等語又傳聞  
逆夷先與喀布爾打仗現在又與治拉拉拔打仗有  
地名古斯尼仍被治拉拉拔奪回該逆夷深恐喀布  
爾與治拉拉拔和好又訪聞喀布爾與孟阿喇各處  
總名印度等語。案喀布爾即加布爾乃阿  
付顏尼國之部落在中印度西境詳見于下

每月統紀傳曰孟買部在痕都斯坦西南方其酋部城

建於嶼其嶼初為葡萄亞所屬地後讓與英國至順治

二年間英國王以此嶼賜公班衙治理當時嶼甚荒杳

潮漲水溢巨浸地也英人駐三年水土不服染病多死

英人勉築隄防火烈山澤建磚屋開衢術招來流寓戶

口繁滋其嶼雖瘠瘦終年之產不足一月之用却烟戶

十六餘萬皆恃貿易為業洋艘七百餘隻皆往印度西北及法耳西阿拉比及中國各處所載出藥材棉花瑪瑙石等貨除英國商賈外有白頭回及法耳西商賈白頭人本法耳西國之士民當回教始興盡力征服四方不順奉者必遭刑戮致令多人往印度避害其人皆儉約勤作善貿易惟崇拜陰陽每當日出日入之際叩首敬奉然其俗好善施濟扶困持危惜無人告以福音之真道也英國在孟買建造戰船其匠皆白頭人手藝甚巧

塔喇尼府每年納餉七十萬員昔屬瑪哈喇塔國其國本有大權勢因與回回戰鬪不息而後衰敗民遂任意作亂諸侯操權戰鬪為務自王達於庶民俱劫奪為業婆羅門僧狡獪巧捷煽惑民人恐嚇取財既貯藏銀王即革頂奪其不義之利嘉慶二十年間瑪哈喇塔王攻孟買肆焚掠與英軍交鋒瑪哈喇塔兵敗走諸侯皆服百姓甘順自從英人操權匪徒安分其王除位而安享空祿

乾底士府屬省治不久其郡係盜藪農廢田荒獨守堡

臺土人只捕野獸故甚猛烈捐軀而戰風俗甚蠻且不守婆羅門教乃供奉汚鬼塑偶近于禽獸

君乾分作南北兩府皆豐腴地出米糖等貨亞美塔拔府先爲回回之國徵斂朘削百姓盡窮後已復興惟嘉慶二十四年遭地震敗廢該喇府之士人崇婆羅門邪教常殺怨敵以獻神贖罪英國律例嚴禁然作亂不已當用軍防範

蘇喇府在大南洋北方昔海賊之藪故公班衙立一幫師船巡海剿賊今始安靜地產棉花織布精工府城卽

印度國當回教興旺時戶口有八十萬人現在減少十五萬口建放生院養各禽獸不論犬馬鳥蟲諸類皆養之不殺布羅者府陸海地方久歸英國掌管

北方各府共名吉斯喇地方居民皆印度國之士人俗尚火葬婦與夫屍同燒嬖妾爭先蹈燔貴家恐養女辱門輒殺之無惻隱之心而婆羅門僧亦無警醒之言反勵磨愚民行溺女之罪近日英國嚴禁此弊

以上原本無皆今補

五印度東界西藏緬甸西南界海北界韃韃里近日東南中三印度皆屬英吉利其自主之國惟西北二印度

耳孟阿臘孟買曼達那薩均濱海大市埠

以下又原本

孟阿臘東印度部落東界緬甸西界麻哈南界海北界西藏廓爾喀領小部落二十一俗奉墨那敏教即古時佛教也首部落曰噶里噶達重兵駐防商民環處樓閣園亭街衢塵市盛甲南海設有鴉片公司凡巴達那默那出產鴉片均歸入公司由公司發售出

口  
麻哈東印度部落東界孟阿臘西界阿臘哈墨北界尼保爾南界尼路阿那領小部落十俗奉墨那敏佛

教而尼達那出產鴉片曰黑土又曰公班

尼路阿那東印度部落東界麻哈孟阿臘西界彌里阿南界那特蘭北界阿臘哈墨領小部落三十俗奉墨那敏佛教

阿蘭牙墨南印度部落東界彌那南界靡渣布西界海北界堪力市領小部落九俗奉墨那敏佛教海錄謂居斯士者為巴史種類顏色稍皙即今來粵貿易之白頭夷也家多溫厚人習商賈所屬孟買為麻爾注鴉片出口之埠頭

厘加那特南印度部落東南俱界海北界麻臘耦西  
 界特臘彎戈在孟阿臘西少南陸行二十餘日水路  
 順風五六日領小部落二十有一俗奉墨那敏佛教  
 海錄謂之曼達喇薩居斯土者為雪那里種類出產  
 鴉片一日金花紅一日油紅以金花紅為最  
 阿那哈默南印度部落東界麻哈西界麻爾注南界  
 尼路阿那北界歐尼領小部落十有二俗奉墨那敏  
 佛教產鴉片日黑土遜于巴達那  
 麻爾注南印度部落東界阿臘哈墨西界吾洽瀝南

界堪力市北界臘赤布達那領小部落十有二俗奉  
 墨那敏佛教產鴉片中國謂之白皮

吾洽瀝南印度部落東界麻爾注西界刮治南界海  
 北界臘赤布撻那領小部落十有六俗奉墨那敏佛  
 教

特那灣戈南印度部落東界厘加那特西界海南界  
 海北界果真領小部落二俗奉墨那敏佛教

果真南印度部落海錄作因真東界戈灣都西界海  
 南界特那灣戈北界馬那麻領小部落二俗奉墨那

敏佛教

彌那南印度部落東界尼路阿那西界阿蘭牙墨南  
界海里那墨北界摩那領小部落六俗奉墨那敏佛  
教

歐尼南印度部落東界麻哈西界阿尼那南界阿那  
哈默北界尼保爾領小部落六俗奉墨那敏佛教  
西倫島在黎加那特之東南領小部落九俗奉墨那  
敏佛教

靡渣部南印度部落東界海里那墨南界麻疏西界

海北界阿蘭牙墨領小部落十有五俗奉墨那敏佛  
教

麻疏南印度部落東界麻那耦南界歌王麻都西界  
加那臘北界麻臘耦領小部落十俗奉墨那敏佛教  
馬拉他南印度部落東界歌王麻都西界海南界果  
真北界加那臘領小部落四俗奉墨那敏佛教產鴉  
片

加士敏耶中印度部落東北俱界西藏西南俱界臘  
和爾領小部落一俗奉墨那敏佛教

臘和爾中印度部落東北俱界西藏南界特爾希西  
界牙爾士丹領小部落十有五俗奉墨那敏佛教  
俄爾達中印度部落東界西藏西界特爾希南界尼  
保爾北界西藏領小部落二俗奉墨那敏佛教  
持爾希中印度部落東界俄爾達西界臘赤布達那  
南界阿厄臘北界臘和爾領小部落十俗奉墨那敏  
佛教  
臘赤布達那南印度部落東界阿厄臘西界茅爾且  
南界麻爾注北界臘和爾領小部落十有八俗奉墨

那敏佛教

茅爾且即新地南印度部落東界臘赤布達那西界  
麻爾士丹北界臘和爾領小部落七俗奉墨那敏佛  
教

刮治南印度部落東界吾治瀝西界海南界海北界  
茅爾且領小部落四俗奉墨那敏佛教  
阿厄臘南印度部落東界歐尼南界阿臘哈墨西界  
臘赤布達那北界特爾希領小部落五俗奉墨那敏  
佛教

尼保爾中印度部落東界西藏西界俄爾注南界孟  
阿臘北界西藏領小部落四俗奉墨那敏佛教  
阿里沙東印度部落東界孟阿臘南界海西界特蘭  
沙加爾司北界尼路阿那領小部落五俗奉墨那敏  
佛教  
特蘭沙加爾司東印度部落東界阿里沙西界麻那  
那敏佛教  
那敏佛教  
海里臘墨東印度部落東界尼路阿那西界靡札布

南界麻那耦北界彌那領小部落六俗奉墨那敏佛  
教  
靡臘東印度部落東界尼路阿那南界彌那西北界  
堪力市領小部落三俗奉墨那敏佛教  
堪力市東印度部落東界尼路阿那南界靡臘西界  
吾治瀝北界麻爾注領小部落三俗奉墨那敏佛教  
麻那耦南印度部落東界特蘭沙加爾司西界麻疏  
南界里加那特北界海里那墨領小部落五俗奉墨  
那敏佛教



加那臘南印度部落東界麻疏南界馬拉他西界海  
北界靡查布領小部落五俗奉墨那敏佛教

歌王麻都南印度部落東界西林西界馬拉他南界  
里加那特北界麻疏領小部落一俗奉墨那敏佛教

西林南印度部落東界里加那特西界歌王麻都南  
界里加那特北界麻那耦領小部落一俗奉墨那敏

佛教原本止此

三印度補輯

原無今補。此專取本朝近日情形其歷代沿革別見後卷不入此內

高宗御製文集五天竺說曰昆侖居大地之中天下萬

國環之昆侖以東我大清國最大昆侖以西南五天竺  
國最大昆侖以西鄂羅斯國最大今回疆與痕都斯坦  
相接其國即印度故境以中國之力欲通五天竺國何  
難但出于招致非彼之慕德嚮化而來故不為耳

又御製詩集題大西天草書普吉祥玉印序曰痕都去  
衛藏甚遠道里莫得而詳即古五印度也相傳彼處有  
佛遺跡而今彼處佛教乃式微外道轉盛俗稱為大西  
天若回人之痕都斯坦蓋印度之一耳茲得玉印二方  
體近天竺因令侍衛巴忠持詢章嘉胡土克圖據稱是

大西天草書一曰薩爾瓦漢語普也一曰莽噶拉穆漢語吉祥也首歲得此實為兆庶錫福之徵

海國聞見錄小西洋居於丙午丁未方按此沿俗稱西

與今志例不合從麻刺甲暹羅繞西浴山而至於白頭番國人

即西域之狀捲鬚環耳衣西洋布大領小袖纏腰頭裏

白布故以白頭呼之國有二東為小白頭國名莫臥爾

西為包社大白頭即伯爾二國北接噶爾丹國而噶爾

丹為之北案噶爾丹乃準部在葱嶺東與小西洋包社

混為鄰細密里亞國細密里亞國之西為俄羅斯國案

密里亞即悉畢厘阿乃俄羅斯東藩與中國新疆喀部

黑龍江連界者皆是也原圖誤析俄羅斯與細密里亞

為二國故滋聞者之疑小白頭東隣民呀國即孟

今仍原文而附訂於此小白頭東隣民呀國牙臘小白

頭北與大白頭皆聯賽馬爾丹西北枕裏海西鄰東多

爾其西南鄰阿黎米亞即天方阿南臨大海○多爾其

分東西二國皆回回東多爾其機注國不通海東鄰大

白頭東北傍裏海北接惹鹿惹亞即南都西鄰西多爾

其即如德亞今并南接阿黎米亞回教○裏海者諸國

環而繞之東北細密里亞即哈西北俄羅斯東賽馬爾

丹賽馬爾丹者明代國名也今則西惹鹿惹亞南都西

為教罕布哈爾愛烏罕等國西惹鹿惹亞魯機西

南東多爾其即機注南包社大白頭丙猪大泊不通海

掉其水惟從包社出海故為裏海。惹鹿惹亞一國亦

不通海東傍裏海西傍死海北聯俄羅斯南接東西多

爾其女人姿色美而毛髮紅氣味臭即古之西衣着同

日頭貢於包社。死海者即黑海源從地中北俄羅斯

南西多爾其東惹鹿惹亞西珉年呻即北都四面環繞

不通大海故為死海而西多爾其珉年呻二國不通小

西洋之海而濱於中海之東北中海從大西洋之海而

入語附大西洋記。阿黎米亞即阿丹天方東鄰包社

大白頭北接東西多爾其西北濱於大西洋之中海西

聯島鬼國陸地一隅自西至西南與島鬼之地隔對一

海南臨大洋國為多爾其所屬貢男女於多爾其為奴

婢今天方之熱德那阿丹

國亦臣服于包社也

萬國地里全圖集曰五印度國亦稱忻都士坦北極出

地自六度三十分至三十五度偏東自六十五度至九

十五度東西南三方環海北至西藏東北連亞三西北

接加布此邦自古有名產玉金香珠萬國會聚赴市廣

袤方圓三百八十四萬方里居民萬三千四百萬了北

海國圖志 卷十三 西國 七

三印度國

海國圖志卷十三 南洋  
方各地高山插天。四面積雪。與西藏交界。其國中間山峯相接。自北至南。半之二分。北至高之山二千五百丈。西方惟有三百丈而已。安額為聖河。自北山流出。其雪穴闖入印度地方。東南流入旁葛刺海。隅即東恒河也。印度河由西藏出。至五印度西北疆。入印度海。即西恒河也。又東北方有巴馬埔他江。自雲南流入亞三境。入旁葛刺海。隅即大金沙江也。西尚有逆埔他答地等河。南有峩他惟利吉那加惟利等江。山內及沿河出鋼鑽。紅寶石。石榴珠。嫩黃玉。金色玉。珊瑚。青碧。瑪瑙。其國豐

盛。惟西北沙漠。乃游牧之地。印度所出棉花最盛。每年運出十八萬九千七百石。青黛一十萬石。檀香。蘇木。胡椒。水菓各項。其五爵君王皆騎象。造金鞍。美麗光彩。其鷹甚怪。鷲則高飛。吞嗅屍骸。飛及高山。山內金銀不多。但有鐵如石。其北方出硝甚多。而最惡之鴉片亦此國所出。

又曰。自古以來。五印度國大有聲名。因離中國不遠。數次梵僧流布其教。令中華固執奉事菩薩。周烈顯等王年間。西國有希臘王。率其軍士。所向無敵。攻取印度各

海國圖志 卷一三四下  
國旋卽退敗。嗣後與大秦各國總無交通。惟其商賈負物西往。但不進內地。又不探風俗。故述怪誕以招人耳目。宋朝年間。回回旋自北侵國。自崇獨一真主。上帝不奉事菩薩。併力攻擊。拆其廟。壞其像。掃蕩全地。強其土民服其權轄。及元朝始衰之年。有蒙古兵犯界。剿滅地方。開基創業。四方強服。其居民算各戶。共計八千萬丁。忽於明宏治八年。葡萄牙船隻不遠數萬里。來到印度西邊。卽時開港。墾地貿易。豐盛強據沿海多口。築城建邑。並立總帥。代王理藩。荷蘭妒之。亦來兵船與葡接戰。

百攻百勝。是時英商來國。請土君建館。亦築炮臺。又有公班衙總官操權。乾隆二十年。旁葛刺總帥肇費。執英人付囚獄。暴虐之甚。英官力擊土人。厚施賄賂。教其將帥。奸計投降土軍。卽時四散。而英官操權於是其土君皆怨結。約合軍南北。兩邊力戰。而究敗走。惟英官施政行義。故其土民仰之。不敢背亂。英國現今所據之地。北有旁葛刺省。方圓九十八萬四千方里。居民五千七百萬丁。其廣大雲南省三倍半。馬塔刺省。方圓四十六萬二千方里。居民一千五百萬丁。網買方圓二十二萬一

千方里居民一千萬丁。所屬權轄居民共計八千三百萬丁。別有列國歸英轄。方圓八十四萬九千方里。居民一千五百萬丁。所有自主之國。不服英者。方圓五十六萬一千方里。居民一千一百萬丁。

又曰。印度人。身體懦弱。四肢百體相稱。面黑容溫。其女不美。穿鼻掛環。天氣甚熱。男惟着圍涼。時將花帕包肩。胸女則渾身加衣。所食淡薄。庶民各分品等。上品者。稱曰巴閔。爲國之儒。又有戰品。乃兵弁之類。自幼讀兵書。習武藝。各匠自爲一品。子接父業。否則父母棄之。親友

疎之。餒斃溝洫。固執已見。不向教化。仍蹈前轍。陷習惡。所拜之菩薩神像千萬。節期相接無已。其僧大有權勢。教其愚民。將嬰兒投河。或飼鱷魚。如有僧將死。寡婦於其墓堆薪自焚。英官禁其弊而罰之。印度之行。外屈節。從權內巧。猶詭謀說謊騙人。現開通商之路。每年所運之貨。共計銀二千四百萬兩。所運出之物。銀三千五百萬兩。

又曰。印度各國。貢于英吉利者。一曰尼散國。在印度內地。廣袤方圓二十八萬八千方里。居民一千丁。其地山

峯不高天暑物阜國王好戰募兵與隣國結讐兄弟離散四方仇敵並起英人助之始免亡失王交接匪類近習嬖幸英國始派大臣駐都理國所有軍士皆歸英國將弁督率彈壓都城最大居民二十萬丁國眾淫邪無度王常避宮不出

一日納不邦者廣袤方圓二十一萬方里居民三百四十七萬丁古王以剽掠隣邦為生往往犯英藩屬是以伐其王別遣大臣代辦國事  
一日澳地廣袤方圓六萬方里居民三百萬丁田地甚

豐江河灌溉土民健強好鬪恒結讐隙近招英官辦事其王甚富府庫克滿賴英大臣代理國政故百姓樂業  
一日巴羅他乃賊魁之國本地暨破報兩國因鄰敵逼迫並無攻戰之法故招英官而服其權

一日買素在印度南方廣袤方圓八萬一千方里古時農務甚興但王好戰連年英官効死力戰全取其地而此外別有列國小邦如中國之諸侯皆以英為其地主隨時進貢而拜其大臣如辦政之宰相  
印度自主各國一日廓爾喀國南東西三方皆連印度

北連西藏，遍地高山穿谷，產大麥、玉麥、棉花、甘蔗、荳丹、參肉、荳蔻。土地廣袤，方圓一十五萬九千方里。居民二百萬丁。如西藏土人崇佛教，信喇嘛。山內民人身矮力大。乾隆年間，侵西藏，劫廟宇，被天軍追剿。嗣嘉慶二十一年，與英結盟，隙戰敗，議和。其都稱為甲曼土。自古稱一曰悉國，在西藏西南，形勢廣袤，方圓一十五萬方里。民人三百萬丁。田地沙多，農夫力耕。居民獨拜上帝一位，不崇菩薩。力戰回回教門，自創立新國。道光年間，明君操權，百攻百勝。請西洋國將軍率兵講求武藝，精熟

韜畧。故此鄰國畏之。道光十九年，沒宗孫攝政，讒佞在朝，權奸營私，國不如舊。其都稱為刺合。

一曰新地亞，地廣袤，方圓一十二萬方里。居民四百萬丁。國雖廣大，然諸侯甚多，各係自主，好虜掠攻擊。為英軍力戰擊退，只待機會，再可征伐。土產鴉片，每年運出二萬餘箱，銷賣四方。其都稱曰烏忽，多有古蹟。

一曰甲布國，南連英藩屬國，北至新疆，東接後衛，西及白西國。其地廣大，但居民不多。部落土酋各據其邦，大半為回回教門，勇猛好戰，以騎射為業。地內沙漠，狂風



四起道路崎嶇人馬難行故敵難攻擊況山洞路窄隘口難通道光十九年峇羅斯國私差好人兜攬事情遍滋事端英國興師望甲而進跋涉勞頓不勝卒擊其敵逐其王而防範其國其王今貢於英

英吉利在印度國權力勢重始係商賈結夥爲公班衙其貿易人等到印度沿海各口建立商館買賣因土君力索磨難必須防範是以操演軍法逐一過人百擊百勝雖本國距印度幾萬里能遙制之也所養騎步炮手各等兵其計三十萬其中僅十分之一爲英人恒布真教勸人棄菩薩而崇拜真主上帝又引導各民悅服救主耶蘇故上帝增廣其土地而豎立其國家矣

中印度補輯

西域聞見錄温都斯坦亦西域回國之大者也葉爾羌西南馬行六十餘日至克食米爾克食米爾復西南行四十餘日至温都斯坦水亦可通兩地貿易之人多資舟楫往來不絕稱其王曰汗其都城雄壯周圍六十餘里轄大小回城三百七十餘其人深目高鼻多鬚目睛黑白光如琉璃面黑唇青言語類鳥鳴回子亦不能辨

衣做前襟頭纏花布厥土黑墳地極溽暑瘴癘爲害人有頭面生贅疣引之而長放之而縮者地以象耕服車致遠皆取給於象有牛馬無駝羊騾驢不解游牧之事粳糯秈稻及瓜果蔬菜靡不繁植檳榔椰子櫻欄橘柚在在成林冬不凋葉人習技巧金漆雕鏤制作精奇所製玉器薄如蟬翼文成如髮抽金銀爲絲織綢緞擅布遍貨於西域各國及各回城所居穴地深數丈旁掘土洞爲室室亦絕精飾以金玉從無地上起屋並園亭之事其城村似曠邈無人烟處也郭外大澤一山水秀麗

花木蔚然居人多攜眷乘舟累月經旬游於其內多美釀尙宴會必費數百金亦多載酒泛舟於澤中者凡其地之公私事務及一切農工商旅操作交易皆於夜間爲之日出則伏國旣富庶風俗奢靡其地亦有玉山獨少白金價過黃金也最貴中國磁器或有攜至其國者爭以白玉盤碗交易而去惟恐失之而大黃尤爲至寶以黃金數十倍兌換蓋其地之一切疾病瘡瘍得大黃卽愈百不失一貴客來及大筵宴皆以大黃代茶人若經年不服大黃則必死故雖貧苦小回亦必有一半兩

大黃囊胸前舌舐而鼻嗅之。其地之江河皆通海洋。時有闔黃海航到彼停泊。多有以大黃漁利者。兩廣福建之物往往有之。或重販至葉爾羌。轉入中國矣。哈什噶爾回子買得漳絨一端。上有天順字號。固闔貨也。其國西隅有巨澤。圍數千里。澤中有山。圍踰千里。萬峯聳峙。高入雲天。或曰人間第一高山也。名曰牽各里麻膽達喇斯。山中產獅子。于秋月皎潔。輒負雛于山中往來。頭大而毛虬尾形如帚。黃質黑章如虎皮。長六七丈。時登山絕頂。望月垂涎咆哮跳擲。猛飛吞月。有飛去八九里。

十餘里而墜死山谷中者。其國人以豢養獅子爲上戶。每當秋月。其汗使人取獅以金鐵作柱。大如瓮。密布層遮。圍畜之於其中。飼以牛。時而吼如雷霆。滿城震動。人畜不寧。椿園氏曰。乾隆四十年。有溫都斯坦之海關達爾遊至回疆。予晤其人。面黑唇青。睛如琉璃。據云。彼乃其地之白皙者耳。又云。其國之西南數萬里。有黑白之人。白者如雪。黑者如漆。國在大海之中。得毋卽東粵之所謂黑鬼白鬼者歟。因細談其地之事甚詳。與予向所聞無異。而牽各里麻膽搭拉斯之山。高聳至極。靈蹟最

著其即古人所言日繞之峯歟顧山雖至高無出沒日月之理四圍皆水舟楫可通亦無所謂弱水焉

案温都一作痕

都一作與都即印度身毒之轉音也坤輿圖職方圖皆作真卧爾國蓋中印度也其西北大澤即所謂裏海也裏海中高山而疑為須彌陋不足辨其地暑而多瘴多雨類閩廣水土惡

劣之鄉而山有寶地生毛故人繁而殷富惜乎象胥通言不能盡解其說所得考核存據者亦僅參半焉爾

萬國地理全圖集曰亞加者古時中印度之省會係蒙古印度王之都殿宇官衙光曜燦輝形勢在北極出地二十七度十一分偏東七十七度五十三分有塔建在

平坦周視九十里所有居民大半崇回回教並不崇菩薩其廟內無偶像並無燒香惟念經叩頭而已回回教門之人數百萬在五印度各處居住昔蒙古軍侵國強令土人棄絕佛像否則誅死故此印度多奉其教至今不絕其近城有古王之墓高如疊塔一周幾十丈煥然齊整其炮臺四面險固此際鄰國咸寧毫無戰費故生意復興道光十三年以此地為省會又亞北得希者古回回王之京明嘉靖五年蒙古汗乘機侵奪創立大國歷二百三十五年令五印度列國進貢乃佞臣結黨

海國圖志卷之二十三 南洋  
變詐蜂出乾隆二十五年王儒無能投降英人蒙其俸  
祿安居本都但戰鬪不息為敵國侵擄于是英官征逆  
靖國宣威回回王現時駐宮無權惟享虛榮受英俸祿  
足以養宗室而已其都廣大其殿遼濶其民各服英權  
歷年泰平

東印度補輯

海錄烏土國在暹羅蓬牙西北疆域較暹羅更大由蓬  
牙陸路行四五日水路順風約二日到佗歪為烏土屬  
邑廣州人有客於此者又北行百餘里到媚麗居又西

北行二百餘里到營工又西行二百餘里到備姑俱烏  
土屬邑王都在盜畫由備姑入內河

內河即恒河會  
大金沙江海口水

行約四十日方至國都有城郭宮室備姑鄉中有孔明  
城周圍皆女牆參伍錯綜莫知其數相傳為武侯南征  
時所築入者往往迷路不知所出云北境與雲南緬甸  
接壤雲南人多在此貿易衣服飲食大約與暹羅同而  
樸實仁厚獨有太古風民居多板屋夜不閉戶無盜賊  
爭鬥國法極寬有過犯者罰之而已重則圈禁旬日而  
釋無殺戮撲楚之刑實南洋中樂國也男女俱椎髻婚

姻畧同中國。死葬於山。不封不樹。土產玉寶石銀燕窩  
 魚翅犀角泥油紫景兒茶寶石藍者為貴。以其難得也。  
 泥油出土中可以然燈。紫景亦土中所出。可代印色。自  
 安南至此。及南洋諸國沿海俱有鱷魚。形如壁虎。是食  
 人土番有被鱷吞者。延番僧咒之。垂釣于海。食人者即  
 吞鈎而出。其餘則不可得也。由備姑西北行沿海數千  
 里。重山複嶺。并無居人。奇禽怪獸。出沒號叫。崇巖峭壁  
 間多古木奇花。所未經覩。舟行約半月。方盡。亦海外奇  
 觀也。徹第岡在烏七國大山之北。數十年來。英吉利

新闢之地。未有商賈。其風俗土產未詳。案此皆印度之東境。即古柯枝

也。

又曰明呀喇。即孟加臘英吉利所轄地。周圍數千里。西南諸

番一大都會也。在徹第岡海西岸。由徹第岡渡海順東  
 南風約二日夜。可到陸路。則初沿海北行。至海角轉西  
 又南行。然後可至。為日較遲。故來往都由海道。其港口  
 名葛支里港。外沿海千餘里。海水渾濁。淺深叵測。外國  
 船至此不能遽進。必先鳴礮。使土番聞之。請於英吉利  
 命熟水道者。操小舟到船。為之指示。然後可。土番亦必

預度其深淺以泡志之泡者截大木數尺製爲橈形空其中繫之以繩墜之以鐵隨水道曲折浮之水面以爲之志土番謂之泡每一望遠及轉折處則置一泡然外人終不能測是殆天險也港口有礮臺進入內港行二日許到交牙礮臺又三四日到古里噶達英吉利官軍鎮明呀喇者治此有小城城內唯住官軍商民環處城外英吉利官吏及富商家屬俱住漲浪居漲浪居者城外地名也樓閣連雲園亭綺布甲于一國英吉利居此者萬餘人又有叙頗兵五六萬卽明呀里土番也酋長

有三其大者曰卽攸士第其次曰尼里又次日集景皆命于其王數年則代國有大政大訟大獄必三人會議小事則聽屬吏處分其統屬文武總理糧餉一人謂之辣亦數年而代其出入儀仗較三酋長特甚前有騎士六人後有四人左右各一人俱穿大紅衣左右二人裝束俱同辣唯辣所穿衣當胸繡八卦文爲異耳凡鞫訟上下俱青衣唯三酋長兩肩有白絨緣頭戴白帽酋長上坐客長十人旁坐客長客商之長也每會鞫必延客長十人旁坐欲與衆共之也其獄必僉曰是然後定讞

海國圖志 卷十三 南洋  
有一不合則復鞠。雖再三不以爲煩。然怙奢尙利。賄賂公行。徒事文飾。無財不可以爲說也。其土番有數種。一明呀理。一夏里。一巴藍美。明呀里種較多。而巴藍美種特富厚。明呀里食牛不食豕。夏里食豕不食牛。巴藍美則俱不食。富者衣食居處頗似英吉利。以華麗相尙。貧者家居俱裸體。以小幅布圍其腰臍。以掩下體。男女皆然。謂之水幔。無來由番亦多如此。有吉慶則穿長衣窄袖。其長曳地。用白布二丈纏其頭。以油徧塗其身。所居屋盡塗以牛糞。交易以文螺壳爲貨貝。娶妻皆童養。夫

死鬻髮而居。各種不相爲婚。男子胸蓋數小印。額刺紋。女皆穿鼻帶環。巴藍美死則墜于土。餘俱棄諸水。明呀里間有以火化者。更有仇儼敦篤。夫死躍入火中以殉者。自此以西地氣漸寒。中華人居此者可穿夾衣。非若東南洋諸國四時俱單衣也。土產鴉片烟。硝牛黃白糖。棉花海參。瑋瑁。訶子。檀香。鴉片有二種。一爲公班皮。色黑最上。一名巴第古喇皮。色赤稍次之。皆中華人所謂烏土也。出於明呀喇屬邑。地名巴旦拏。其出曼達喇薩者亦有二種。一名金花紅爲上。二名油紅次之。出馬喇



他及益几里者為紅皮出孟買及卽杜者則為白皮近時入中華最多其木似嬰粟葉如靛青子如茄每根僅結子二三顆熟時夜以刀微劃其皮膏液流出凌晨收之而浸諸水數刻然後取出以物盛之再取其葉曝乾末之雜揉其中視葉末多少以定其成色葉末半則得膏半然後捏為團以葉裹之予出膏盡則拔其根次年再種

案明呀喇海國見聞錄作氓呀或人又作孟阿拉或作孟加臘實皆一地

海國聞見錄小白頭國東鄰氓呀國一作明呀喇卽氓呀人黑穿着皆白類似白頭英機黎荷蘭佛蘭西聚此

貿易氓呀天竺佛國也氓呀之東南遠及暹羅氓呀之南臨海氓呀之北接刺麻西藏及賽馬爾丹國屬粵商回述孟阿拉地宜種植百物叢生終歲南風並無冬夏每洋銀一圓值彼處銅錢一百文白米一升值彼處銅錢一文其鴉片烟四季種收周流不息各國夷人均向彼處收買每公土一件價銀一圓白土一包價銀六錢國王所抽稅每土一件約銀二圓運至中國每碼土計成本銀四圓有奇從前可賣至八九圓聞去年中國功令森嚴彼處夷發售甚艱價亦太賤每船烟土所

售銀兩僅敷來往盤費所獲既無大利各夷均不願作此鴉片生理本年夏間由彼處起程聞英吉利國王以中國嚴禁有傳令停止製造之說

萬國地里全圖集曰磅葛刺國東印度也海口河流疏派田畝豐盛物產如山如糖硝棉花鴉片靛餅胡絲五穀等貨其省會口甲谷他在安額河之濱於北極二十二度二十三分偏東八十八度二十八分天下互市之處康熙七年英商始建市館築小炮臺屋宇僅七十間乾隆十七年土君擅壞其房囚其人當時英官報仇用

兵驅逐虐主總歸其管轄焉都邑廣大居屋如殿其街直而廣兩面高樓粉白如雪內有學校文院各等文藝之館男女讀書務學勉爲良善全印度之總帥劄駐甲谷他管下英國軍士三萬丁土軍二十三萬丁文官俱幼時來自英國學習土話自下升擢俸祿甚厚以理地方各事所建炮臺四圍廣大敵軍斷難取據深溝高壘金城湯池四面險固水路可通內地各大邑若水淺流急用火輪船牽其河舟不待風潮上下不絕城內財帛不勝數凡他省及內地富商皆雲赴甲城以包兌包送

○甲部東勢他加城居民二萬丁百姓立機房造織細幼布帛昔總帥劄駐之省會此時惟見頽牆壞壁。○甲部之西入拿邑居民稠密造硝種罌粟青黛田種玫瑰醪醴摘花葉造花露居民好香撲鼻常用以調飯洗身。○甲部西南北拿力邑印度教門中著名之區謂是地之中心街衢甚窄房屋瓦造高五六層衆生奔馳如影不絕居民計六十萬丁據印度人說菩薩造成其城以為聖處信其教者詣邑燒香奉拜偶像以免地獄之罪又言沐浴其河內者諸罪一槩洗滌直上天堂此印度

教中之恒河也

南印度補輯

海國聞見錄曰小白頭南入于海之地曰戈什峽東西南三面皆臨大海為大西洋各國市埠所環據戈什峽東面沿海地名有三曰網礁臘則英機黎埔頭也曰房低者里則佛蘭西埔也曰泥顏八達則荷蘭埔頭也其西面沿海地名有二曰蘇喇曰網買則英機黎埔頭其地俱紅毛所建置此外又懸一島曰西倫大珠即錫蘭山也此皆南天竺地

海錄曼達喇薩在明呀喇西少南由葛支里沿海陸行約二十餘日水路順東風約五六日俱英吉利所轄地至此別爲一都會有城郭英吉利居此者亦有萬人敍跋兵二三萬此地客商多阿里敏番卽來粵東戴三角帽者是也土番名雪邨里風俗與明呀哩畧同土產珊瑚珍珠鑽石銀銅棉花訶子乳香沒藥鴉片魚翅玃梭爲梭身形如小洋狗又有金邊洋布價極貴一疋有值洋銀八十枚者內山爲曉包補番曉包補者猶華言大也本回回種類其間國名甚多疆域不過數百里所織

布極精細大西洋各國番多用之○笨支里在曼達喇薩西南爲佛卽機所轄地由曼達喇薩陸行約四五百水行約日餘卽到土產海參魚翅訶子棉花玃梭身內山亦屬曉包補○尼古叭當國在笨支里西嶺介中疆域甚小土番名耀亞○西嶺在笨支里少北又名古魯慕由笨支里水路約六七日陸路約二旬可到爲荷蘭所轄地土番名高車子風俗與明呀里畧同內山爲乃弩王國土產海參魚翅棉花蘇合油海參生海中石上其下有肉盤盤中生短蒂蒂末卽生海參或黑或赤各

肖其盤之色。豎立海水中。隨潮搖動。盤邊三面生三鬚。各長數尺。浮沉水面。採者以鉤斷其蒂。撈起剖之。去其穢。煮熟。然後以火焙乾。各國俱有。唯大西洋諸國不產。○達冷莽柯國。在西嶺西北。順東南風約二三日可到。疆域甚小。民極貧窮。然性頗淳良。風俗與上畧同。屬邑有地名珈補者。西洋客商皆居此。土產海參魚翅龍涎香訶子。○亞英加。在加補西北。順風約五六日可到。爲英吉利所轄。地土番風俗與上畧同。土產棉花燕窩椰子訶子。又曰固貞。在亞英加西北。水路順風約日餘可

到。爲荷蘭所轄。地土番風俗與上畧同。內山爲晏得尼加國。實回回種類。土產乳香沒藥魚翅棉花椰子蘇合油血竭砂仁訶子大楓子。○隔瀝骨底國。在固貞北。少西。水路順風約二日可到。陸路亦通。風俗與上同。土產胡椒棉花椰子。俱運至固貞售賣。內山仍屬晏得尼加。○馬英在隔瀝骨底北。少西。水路順風約二日可到。爲佛郎機所轄。地土產風俗與上畧同。內山亦屬晏得尼加。達拉赭在馬英西北。陸路相去約數十里。爲英吉利所轄。地土番風俗亦與上同。土產胡椒海參魚翅淡菜。

內山仍屬晏得尼加。○馬喇他國。

此與孟加臘音近地異此南印度被東印

度也母混為一

在達拉赭西疆域自東南至西北長數千里沿

海邊地分為三國一小葡萄一孟婆羅一麻倫尼為回

回種類凡拜廟廟中不設主像唯于地上作三級取各

花瓣徧撒其上羣向而拜或中間立一木柱每月初三

各于所居門外向月念經合掌跪拜稽首土產棉花胡

椒魚翅鴉片。○小葡萄在馬喇他東南沿海邊界由達

拉赭向北少西行經馬喇他境約六七日到此為葡萄

亞國所轄地疆域約數百里土番奉蛇為神婚嫁與明

呀里同死則葬于土每年五月男女俱浴于河延番僧

坐河邊女人將起必以兩手掬水洗僧足僧則念咒取

水饋女面然後穿衣起又有蘇都魯番察里多番古魯

米番三種多孟婆羅國人西洋人取以為兵西洋人居

此者有二萬人土產檀香魚翅珊瑚犀角象牙鮑魚嘗

有西洋太醫院隨船至此聞其妻死特遣土番齋札回

大西洋祖家請于國王以半俸給其家養兒女是知此

地亦有陸路可通大西洋也。○孟婆羅國在小葡萄北

山中由小西洋水路順風約日餘可至國境王都在山

中以竹爲城疆域亦數百里風俗與小西洋同土產檀香犀角○麻倫尼國在孟婆羅北水路順水約日餘可到疆域風俗與孟婆羅同土產海參魚翅鮑魚二國所產貨物多運至小西洋埔頭售賣○益几里國在麻倫尼北少西水路順風一二日可到疆域風俗與小葡萄畧同土產洋葱其頭寸餘熟食味極清甜瑪璃棉花鴉片內山亦屬曉包補自曼達喇薩至卽杜土番多不食豕牛羊犬唯食雞鴨魚蝦男女俱戴耳環○孟買在益几里北少西相去約數十里爲英吉利所轄地有城郭

土番名叭史顏色稍白性極淳良家多饒裕英吉利鎮此地者數千人土產瑪璃大蔥棉花阿魏乳香沒藥魚膏魚翅鴉片番靛棉花最多亦南洋一大市鎮也鄰近馬喇他益几里曉包補卽杜諸國多輦載貨物到此貿易其內山亦屬曉包補○蘇辣在孟買北水路約三日可到亦英吉利所轄土番名阿里敏土產同上○淡項讀平在蘇辣北水路約日餘可到爲葡萄亞所轄土產同孟買○卽杜國在淡項北疆域稍大由淡項水路順風約二日可到風俗民情與益几里諸國略同土產鴉

片海參魚翅俱運往蘇辣孟買販賣自明牙喇至此西  
洋人謂之艾什峽總稱為印度海土人多以白布纏頭  
所謂白頭回也遇王及官長蹲身合掌上于額俟王及  
官長過然後起子見父母亦合掌于額平等亦如之其  
來中國貿易俱附英吉利船本土船從無至中國中國  
船亦無至小西洋各國者自此以西海波洶湧一望萬  
里舟楫不避淺深莫測沿海諸國不可得而紀矣其卽  
杜內山則為金眼回回國聞其疆域極大不與諸國相  
往來故其風俗土產亦不可得而紀也

案金眼回回在南印度山內當

是申印度之莫卧爾白頭回也

萬國地理全圖集曰馬塔刺南印度之省會也形勢在  
北極十三度五分偏東八十度二十一分海邊浪湧濤  
鳴上岸甚險城建于沙坦居民四十萬餘丁土人面黑  
而肢骸趨莩能翻飛作劇富戶耗費銀錢建廟造像信  
佛奉神不悟天主正教英國建炮臺保障防禦其屋建  
於園裡美花香草芬芳濕鬱佛蘭西軍屢次攻擊英臺  
雖然獲勝後亦必退此時英權穩立如磐斷難動移馬  
塔刺之南為本地治利城乾隆間為佛蘭西守據挑唆



土民肇釁驅英但東得西失惟留本城而已此省內所  
有大城如左班牙樂炮臺堅固街衢廣麗內有古王官  
殿被英軍所攻敗者北刺利建在山頂係要隘欲上山  
嶺惟有一路防兵乘險開炮無敵敢近檄林居民織造  
布帛又製火硝骨他巴係罪犯徒流之邑骨他羅利邑  
屋宇美街衢廣西令牙巴坦昔係王都銳意欲驅英民  
出印度所募民壯軍士不勝其數因英國之兵奪險逼  
城效死力戰士王戰敗和銀一千萬兩割其國三分之  
一以免剿滅於嘉慶三年再開釁隙王募四十萬軍士

立心力戰於是英國軍士圍攻城池闖入城內其王被  
兵刺死遂奪全地爲英屬國

又曰網買在南印度之西邊海濱之左昔屬葡萄牙此  
時歸英建立省會因潮水高漲掘築船廠建造戰艦其  
房屋甚美其人貴白頭回惟利是圖拜日祀火不葬其  
屍以供鷹食恒時買賣獲益亦好布施厚賜濟故今天  
下庶民景仰之也○隣地豐產棉花大半運赴中國亦  
有胡椒椰子珊瑚等貨海船至大者載二萬二千五百  
石入水甚深每年進黃埔厚運貨物省會形勢在北極

十八度五十六分偏東七十二度五十七分天氣熱昔時英人不服水土此時已經開墾安居無恙其居民共計一十七萬丁內有白頭一萬三千口前日地磽人貧今廣開通商之路每年運出物價幾百萬兩日增裕富○網買之北蘇刺城昔大興盛此際漸衰城內有禽獸院養各類老犬老牛亞麥大八邑乃回回之城居民有十萬丁因地震倒壞屋宇所損不可勝計埔拿城嘉慶年間乃馬刺他之雄都四圍山嶺築建堡臺以防禦國敵英艦攻取各臺驅其人而據其地○網買之南有葡

葡藩屬國曰俄亞者長一百二十里濶六十里於明正德五年攻取其地建城保障脅服鄰國立廟造寺養僧無算不久速廢今所留之地物產不多生意亦少○昔荷蘭據海邊之城如可陳等處互市貿易現已割予英人是以船海各地方大半英人所轄

附錄

魏源西藏後記曰滇南師範有言中國赴天竺佛國亦有兩道一自雲南騰越州而南由緬甸城轉西以至東天竺凡三千五百里再至中天竺又千有六百里共五

千有百里。一自雲南麗江而西進藏，至東天竺北界二千里。又千有二百里而至中天竺，僅三千有二百里。視南道徑千有九百里，以地望準之，雲南之騰越州正與天竺東南相值，止因其間赤髮野人隔之，故一則迂道南行千有七百里，至緬甸，然後轉西至東天竺，又西北至中天竺檀那國，計三千八百里。一則迂道西行入藏，然後轉南，亦至檀那，計三千二百里，使能取道野人徑直西上，則免由緬由藏兩迂途，而自騰越達天竺，不過千有九百里。野夷若入版圖，則與天竺境壤相接，昔漢

武開西南夷，欲由梁州達大夏，偉矣哉。西藏記曰：由後藏塞爾地方西南十八程，至宗里，又八日至白木戎部落，其地北接後藏，西接白布，南至小西天，北界至小西天界，南行十日至其國都布爾牙部落。始上海船行半月，至大西天，小西天為東天竺，大西天為中天竺。又曰：後藏扎什倫布西南與布魯克及白布等部交界，白布即贊普取白布國王女之地，布魯克即往天竺之路也。又一路由阿里西南二千餘里入厄納特珂克，即中天竺。其中藏前藏東南則以怒江為界，江以南即狃獠野

人每藏中有死罪則驅之過江聽野人殘之以上西藏記然則怒江南岸逾野夷西境即布魯克部與東天竺近而怒夷自雍正中內附歲輸皮貢於騰越界非不可闕之區則天竺與中國亦非不可接之境惟是東天竺即今南洋孟加臘地久為西洋英吉利所據專產鴉片煙流毒中國誠能募騰越土勇萬人渡江而西南長驅擣其背掖通絕域為鄰壤實制西夷之一奇或曰大金沙江自藏經緬其入海之口即東天竺界其水濶於大江造舟藏地順流建旣尤倍捷于陸然有舟師之便而又有

細夷之梗利害亦適相當也

又乾隆征廓爾喀記四川雲南之西為烏斯藏烏斯藏之西南為廓爾喀廓爾喀之西南為五印度印度古佛國在葱嶺西南瀕大海去烏斯藏尚遠或以烏斯藏即古佛國者非也自四川打箭爐西行二十餘驛至前藏四十二驛至中藏又十二驛至後藏又十二驛至濟隴又三十驛至石宿堡為後藏極邊地踰橋而西則廓爾喀矣廓爾喀本巴勒布國舊分葉楞部布顏部庫木部于雍正九年各奏金葉表文貢方物後三部并吞為一

遂與後藏鄰自古不通中國其與中國構兵則自乾隆五十五年內犯西藏始初後藏班禪刺麻以四十六年來朝祝高宗七旬嘏中外施舍海溢山積及班禪卒于京師資送歸藏其財皆爲兄仲巴呼圖克圖所有既不布施各寺廟與唐古特之兵又擯其弟舍瑪爾巴爲紅教不使分惠于是舍瑪爾巴憤懣廓爾喀藉商稅增額食鹽糶土爲詞與兵闖邊唐古特兵不能闕而朝廷所遣援剿之侍衛巴忠將軍鄂輝成德等復調兵賄和陰令西藏堪布等私許歲幣萬五千金按

兵不戰遽以賊蹙乞降飾奏而諷廓爾喀首入貢受封國王廓爾喀旣侮藐內地次年藏中歲幣復爽約于是廓爾喀以責負爲名再舉深入後藏札什倫布西南左有曲多江鞏右有彭錯嶺峭壁連岡咽喉天險賊步卒數千自聶拉木入其時蕃漢官兵若分兩路一扼曲多江鞏遏其前一繞赴彭錯嶺截其後則廓爾喀深入無援可不戰潰也駐藏大臣保泰一聞賊至則移班禪牙前藏并請移達賴班禪于西寧欲以藏地委賊且札什倫布寺負山面江形勢鞏峻刺麻數千乘壙可守以待

援而仲巴呼圖克圖挈貨先逸刺麻濟仲札蒼等復託言卜諸吉祥天母不宜戰衆遂潰賊大掠札什倫布全藏大震兩大喇麻飛章告急侍衛巴忠扈駕熱河聞變畏罪自沉水死時鄂輝爲四川總督成德爲四川將軍因盡以罪委之謂巴忠解唐古特語故私議皆其一人所爲已二人不知也及奉命赴藏剿禦又按程緩進上知二人不足恃乃命嘉勇公福康安爲將軍超勇公海蘭察參贊調索倫滿兵及屯練士兵進討其軍餉則藏以東川督孫士毅主之藏以西駐藏大

臣和琳主之濟隴邊外則前川督惠齡主之賊犴于上年賄和之役半運所掠歸國半屯界不去鄂輝成德等遂奏賊退欲卽以藏事上切責不許明年二月將軍參贊由青海至後藏四月連敗其屯界之賊盡復藏地六月遂大舉深入恐賊繞襲後路遣領隊大臣成德岱森保及總兵諸神保各出左右一路以分賊勢而大軍出中路海蘭察將三隊爲前軍福康安將二隊繼之賊據木古拉山阻水拒險將軍議令護軍統領台斐英阿與賊相持而大軍別趨間道海蘭察繞山後出賊營

海國圖志 卷十三 西南洋  
之上福康安由間道合衝賊營其克木柵石卡數十追  
奔至雍野雅而成德諸神保亦克鐵索橋進會利底廓  
夷舉國震懾遣使詣軍前乞降將軍參贊嚴檄斥之七  
月再進六戰六捷殺賊四千涉賊境七百餘里將近其  
國都陽布之地隔河大山賊以十營踞山嚴守水深山  
斗絕山後卽其國都也福康安欲逾橋攻之海蘭察力  
持不可福康安自引兵渡橋仰攻果不利賴海蘭察按  
應退賊方是時其國境南鄰印度之地久爲英吉利屬  
國與廓夷積釁聞廓夷受兵於中國則亦出兵攻其邊

鄙廓夷兩支強大敵河懼無計且恐我軍聞而氣奮也  
再遣人詣軍卑詞哀乞將軍參贊議以賊境益險而踰  
八月卽大雪封山不可老師乃允其降盡獻還所掠藏  
中財寶及塔頂金冊印歸前被執之丹津班珠爾等并  
獻沙瑪爾巴之尸貢馴象番馬工樂請永遵約束班師  
上本欲俟事平裂其土授諸土司而酬福康安以  
郡王爵及聞已受降乃允其請畱番兵三千漢蒙古兵  
一千戍藏是爲官兵駐藏之始後藏至廓爾喀故有孔  
道賊嚴守之故我師覓間道入其峭絕處左壁右湍不

容一騎將軍參贊亦時步進故所貢象竟不能達而烏  
拉嶺上下百二十里必窮一日之力踰之稍昏黑卽不  
能覓路且有雪坡若門洞深數十丈人往來者不敢語  
否輒有雪大如屋壓而殛之廓爾喀寇藏時運貨歸國  
者二千人過嶺凍死殆盡蓋慈嶺之南春天所以限中  
西也險倍金川遠踰回部爲漢唐兵力所未至幸其土  
卒皆跣足每戰仿古法先約期而後交綏我軍不顧輒  
先發擄襲往往猝爲我乘自大創以後至今貢獻不絕  
其國西南與五印度相鄰其南海號印度海近日印度

之孟加臘及孟買等國爲西洋英吉利所據乾隆六十  
年英吉利使臣入貢自言前歲大將軍率兵至西藏西  
南之的密部落時彼國兵船亦曾相助備嗣後有需用  
西洋兵者情願効力 朝廷始知前此廓爾喀之役  
其南界亦有邊警外患也道光二十年英吉利夷人入  
寇粵浙廓爾喀亦遣人稟駐藏大臣言小國與里底所  
屬披楞相鄰每受其侮今聞里底與京屬構兵京屬屢  
勝臣願率所部往攻底里屬地以助天討時駐藏大臣  
未知所稱里底卽英吉利所稱京屬卽謂中國之廣東



省所稱披楞屬地，卽印度。若以蠻觸相攻，天朝向不過問，卻之。蓋英吉利國都雖遠在大西洋，而其屬國印度，則與廓爾喀接壤，世仇構釁，故我攻廓，則英夷乘之，我攻英，則廓夷亦願助之。云。

臣源曰：廓爾喀界西藏及鄂羅斯，攝兩大國之間，故內貢中國亦兼貢鄂羅斯。近日英夷西與鄂羅斯構兵，東與中國結釁，故廓爾喀欲乘兩大國之勢，以攻印度云。印度地產鴉片煙，英吉利關稅歲入千萬計，其兵船入犯中國者，十九皆孟加臘之人，誠能聽廓夷出兵之請。

獎其忠順，撥彼腴疆，擣其空虛，牽其內顧，使西夷失富疆之業，成狼狽之勢，亦海內奇烈也。鄂羅斯地表二萬里，與中國首尾相接，地大兵強，西洋所畏，其與我互市之地，則有陸而無海，英夷之與我互市，則又有海而無陸。近日鄂羅斯屢與英夷爭韃韃里之地，其地橫亘南洋，鄂羅斯得之，則可以圖并印度，故與英夷連年血戰。

雍正五年，俄羅斯攻取西藏西南五千里之務魯木，以地尚佛教，遣人至中國，學刺麻，當卽與廓爾喀相近。若能許鄂羅斯海船赴粵貿易，連絡彌利堅佛蘭西等國，皆英夷仇敵，則英夷之兵船不敢舍其境而

遠犯中國

英夷在印度大兵船上百艘以其半入寇中國其餘皆分守各境不敢遠離恐他國乘其

虛也

夫以夷攻夷之效咫尺見者視為迂圖乾隆嘉慶間一

封暹羅遂足以西制緬甸東制安南善奕者或一間著

而全局皆生况以宅中馭外之勢制仇讐四結之夷哉

此篇互詳俄羅斯國後記

又俄羅斯與印度構兵記曰大海南洋曰印度海與後

藏緬甸相鄰而廓爾喀介其中其鄰廓夷之孟阿臘則

東印度也再西南之孟邁等部則南印度也溯印度河

北上為溫都斯坦則中印度也

溫都一作與都一作痕都即印度之音轉再

北為克什彌爾古剎賓國則北印度也印度河兩岸凡

巴社各白頭回國則西印度也

白頭即白帽回

其國皆在葱嶺

西南接中國西域近日西洋英吉利自稱管理五印度

蓋惟北西印度未為所據其東中兩印度半屬英夷而

南印度則分據于西洋諸夷此皆近日事也方康熙雍

正間英夷僅據有孟阿臘孟邁二埠未窺印度全境而

鄂羅斯亦方與西北普魯社構兵未遑南牧凡葱嶺以

西瀕地中海東岸皆統於天方之回教故乾隆中西域

甫平溫都斯坦尚與巴達克山構兵雖旋為愛烏罕所

并愛烏罕即古大月氏亦回教非西洋教及乾隆嘉慶以來鄂羅

兵由黃海攻服黑海各部又日沿裏海南侵而英吉利

亦吞并温都斯坦沂恒河北上于是葱嶺以西自布哈

爾愛烏罕諸大國外凡近裏海之游牧回部號韃韃里

者皆并於鄂羅斯凡夾恒河及南洋之城郭回國半屬

於英吉利矣裏海即加士比喀海亦名鹹海亦名北高

海明史謂游牧之蒙古日韃韃西洋人謂其英鄂二境之中尚隔有數回國彼此

各距數百里及道光十九年温都斯坦北境有阿付顏

尼部者與沙蘇野部相攻沙蘇野會請救于英吉利英

吉利遂起各印度駐防之兵攻滅阿付顏尼部阿付顏

尼會亦走愬于鄂羅斯鄂羅斯復起駐防韃韃之兵南

攻巴社取機洼取木哈臘欲恢復阿付顏尼部以直攻

印度英吉利兵據險力拒于是英鄂二邊境僅隔與都

哥士一大山而血戰無虛日矣與都即印度二字音轉其山界北中二印度之

間阿付顏尼及沙蘇野二部皆在是山之南機洼及木

哈臘皆在是山之北而沙蘇野之部落亦有軼出山北

者是為英鄂交惡之由與交兵之界沙蘇野王以道光

十八年為阿付顏尼破走投援印度時英吉利鎮守印

度之大兵帥曰□□□副兵帥曰沙機尼遂于十九年  
 七月起孟阿臘孟邁溫都斯坦三部之兵使沙機尼將  
 之而沙蘇野會自以所部兵鄉導時阿付顏會自都於  
 加模爾城遣其次子以兵三千五百守牙尼士城長子  
 以兵數千守加布爾城牙尼士城本險固于其城門前  
 復增重濠重墻守營甚固英吉利軍先營近郊誘戰不  
 出乃督馬礮軍駱駝礮軍步礮軍三路進攻此三軍謂以駱駝負礮以馬負礮  
 以人扛礮也又開天礮擊之天礮者仰空發礮飛墮城  
 中遂偪城而營并以兵扼加布爾援軍之路阿付顏尼

會遣其長子領千五百騎步兵三千由加布爾城赴援  
 夾攻後路為沙蘇野部兵擊退次日遂會各營專攻城  
 門更番迭進城內兵亦死力鏖戰既而天礮從空而下  
 城中震虜爭潰道凡二晝夜拔其城禽其次子乘勝兩  
 路進攻加布爾城阿付顏尼會同其長子率兵萬有三  
 千守格麻關而軍士奪氣望風解體父子率三百騎走  
 保麻緬棄芻糧火礮輜械山積英吉利遂據二城遣沙  
 蘇野王復國酌留歐羅巴兵溫都斯坦兵及阿付顏尼  
 新降兵助守其地此英夷侵北印度之事也阿付顏尼

既道麻緬則遣使乞師於鄂羅斯鄂羅斯鎮守韃靼里之兵帥久豔東南印度之富特隔于各回部至是乘各部自閩謀由巴社以圖印度巴社者回回祖國卽來粵貿易之白頭番所謂港脚者也小白頭爲溫都斯坦大白頭爲巴社巴社雖不屬英吉利而與英吉利睦故英帥律屋蘭者以兵助巴社拒之鄂羅斯復以收逃奴爲名襲破機注及木哈臘二回部又攻取沙蘇野所屬三部之在與都哥士山北者遂駐兵荷薩士河與英吉利中印度接界并使人習印度法律言語又購木哈臘人

嚮導無一日忘印度而英吉利亦嚴兵阿付顏尼界爲備且議還阿付顏尼會于故地以息外構而增藩蔽議未定而廣東之事起是年 大清怒西洋鴉片煙之

耗蠹中國

欽差大臣赴廣東嚴禁鴉烟并罷英夷

互市聲其罪惡布告諸國諸國如佛蘭西彌利堅魯英夷者咸稱快廓爾喀亦白駐藏大臣願所部兵收東印度又傳聞鄂羅斯使臣已自比革爾國都起程赴

北京約中國兵由緬甸西藏夾攻印度事雖未行而英夷則惴惴甚或欲乘鄂羅斯使臣未至 京師之前

海國圖志 卷一三四南洋  
速行人寇或料中國疑鄂羅斯更甚於疑他國未必遽  
信其言是時南洋西洋諸國聞罷市之信各準茶葉大  
黃皆不肯售踊貴價倍而英夷國中繳烟價罷關稅各  
缺銀千餘萬員諸銀肆皆不肯出貸銀價復翔貴借貸  
鄰國銀肆數百萬充兵餉而彌利堅佛蘭西先後在粵  
請助兵船爲中國効力亦屢見於粵中督撫及將軍之  
章奏事則可徵也時則可乘也前廓爾喀記中以夷攻  
夷之議尙或迂之而不察故復述是篇而以澳門探報  
附其後

臣源曰由近事溯之乾隆則準會阿睦爾薩納之來投  
請兵也盈廷喙拒獨 高宗排羣議用之遂一戎衣  
而定伊犁矣土爾扈特之棄鄂羅斯來附也盈廷喙拒  
獨 高宗排羣議受之并移檄鄂羅斯剖明曲直卒  
盡臣瓦刺四大部矣由遠事溯之康熙則俄羅斯所部  
東徧黑龍江 聖祖附書荷蘭轉達鄂汗海道往還  
半載得報遂擴索倫地數千里矣準噶爾請授兵六萬  
于鄂羅斯 聖祖移書宣示利害絕其糾約噶爾丹  
敗無可投卒潰竄死矣 聖神籌運於廊廟之間而

指麾使於數萬里之外。豈不在識夷情洞敵勢哉。西藏一陷於準噶爾。再陷於廓爾喀。彼時氛惡焰熾。孰不畏道遠勞師而兩朝深維利害。不措策入撻伐。恢域犁庭。是以北懾準夷。西震印度。奕世而後。尚有願效馳驅之廓夷。夾攻印度之鄂部。請助海艘之島國。待我驅策。同我敵愾。故曰天下有道。守在四夷。此擊則彼應。威立則令行。事會之來。間不容髮哉。

附澳門月報 即所謂新聞紙

道光二十年七月。澳門接印度五月十四日來信。

即中國四月十三日 論及鄂羅斯欲攻打印度之事。蓋我英國之印度兵。攻取興都哥士山。近巴社國南邊各部落。

而鄂羅斯邊境。在此山之北。三年前尚有回回四五國。亘隔英吉利與鄂羅斯屬國之間。各遠數百

里。今止隔一大山而已。鄂羅斯近日直攻至韃韃

里之機。注。韃韃里。謂游牧回部。如哈薩克。布魯特

界鄂羅斯皆是也。機注。皆因我等攻取阿付顏尼

部。此部原屬巴社。今為英吉利所據。在故鄂羅人

亦攻至荷薩士河。韃韃里地。近機注。已約木哈臘。亦韃韃

部落近阿 同取阿付顏尼部以攻打印度為我英

國兵頭沙阿力山及馬約里治堵禦故計不行鄂

羅斯前在希臘巴社國東方部落近阿付顏尼與巴社人立約欲

收服阿付顏尼以攻取印度亦因我兵頭律屋蘭

所拒巴社即白頭回國南抵海西界都會棧北界韃韃里後詭稱收回逃散

奴僕突攻取機注及木哈臘人皆謂鄂羅斯既得

此二地當必退兵乃又日日使人學習印度事務

又與木哈臘人立約同取阿付顏尼不知鄂羅斯

人要到何地方肯住手現聞鄂羅斯使者已自比

特革起程由韃韃里到中國此韃韃里謂喀爾喀蒙古蓋凡各游牧部

皆之謂韃韃也必恐憑中國人與英國人爭鬪并欲得

北京出 諭與緬甸人使前來攻擊不知何

時使臣能到得 北京我等切不可閉目不理

鄂羅斯人曾以兵威自黃海攻至黑海一帶地方

以廣其國境所以今日必要隄防其在荷薩士河

駐札之兵前來攻擊倘我將阿付顏尼防兵撤回

則鄂羅斯人必帶領木哈臘之兵同攻阿付顏尼

矣我等今年若將阿付顏尼王復立於加模爾城



阿付顏  
尼舊部

即應帶兵過興都哥士大山取回沙蘇野

所失去之三部落

一日衣都斯一日麻爾格一日  
模特散皆在阿付顏北

哈臘然我兵到彼必定遇鄂羅斯兵與木哈臘兵

之南約會夾攻我兵我兵恐即擾亂而回亦或與鄂羅

斯人相持大抵英鄂二國在阿細亞洲交戰之事

不久即至我等宜先預備出兵矣

北京出 簡與海人對前來文...

